


LUZITU

 . . . tii na mwa ntangu fioti me luta ntangu mu kwendaka na lupitalu, mpe mu bikaka yawu kaka na maboko ya Mfumu, ti kana—kana . . . na kuzabaka ti mu vwandaka mwa laka ya kukangama, samu ti mu me kuzwa madidi. Kasi mu banzaka kana mu . . . kana mama vwandaka mbote mingi ti mu lendaka kwisa, na yina, mu ke vutuka diaka samu na kutala beno. Samu ti, ntangu mu ke mona muntu mutindu mama ya kutandama kuna, mpe na kuzabaka ti bamama yayi yankaka mpe batata awa, ya kele ti beto nyonso fwana kuma na kisika yina, beno me mona, mpe kubanza mutindu mu ke vutula matondo ti yandi me kubama na kukwenda.

² Mpe na ntangi yina, mpe kima yankaka mu zola kutuba na dibuundu. Mu banza ti mu monaka Mpangi ya kento Wilson kuna. Mpe—mpe na ntangu yina ya kele na Mpangi ya kento mpe Mpangi Sothmann awa kisika mosi, mu banza, na kati ya yinzo ya nene. Mpe—mpe mingi na kati ya beno awa yina vwandaka pesa lusalusu ya beno ya kuvwanda na mama na nkokila, mpe bima ya mutindu yina, yina kele ya kukwikama mingi. Mpe mu ke sepelaka na nionso yina beno salaka. Ya kieleka, dibuta me lemba mingi, beno zaba, beto ke bikana konso nkokila. Mpe kaka na ntangu yayi, mingi ya bawu ke sala, na yina ya kele Meda na munu, to—to Delores, mpe yandi kele na bana na lukolo, mpe ya ke salaka kaka ti bima kukuma ngolo mingi ti ya ke kabula ndambu na kati-kati ya beto mutindu yina, mpe beno ke kuma kaka ya kulemba mingi. Na mpasi beno lenda kwenda, mpe beno lenda tuba ve kilumbu na nkokila, na mpasi, mingi-mingi ntangu beno me kuma na nsungi yina Meda na munu kele, beno zaba, ya ke—ya ke lomba ve bampimpa mingi na kulembisa beno ntangu beno ke kuzwa mwa mvula na zulu ya beno.

³ Na yina, mu vwandaka banza ti mu lendaka kaka kubikana na yawu kilumbu mpe mpimpa. Mu katukaka na Californie na Ford ya munu ya ntama ya modele T, mpe mu vwanda lala fyoti na nzila, ya ke baka munu pene ya bilumbu yiya to tanu, mu banza bilumbu sambwadi, samu na kusala yawu. Mpe mu vwandaka nata ditoma, kilumbu mpe mpimpa. Mpe ntangu mu kumaka ya kulemba fioti, mu vwandaka losa bulanketi ya munu na lweka ya ditoma, mu nataka ditoma kuna na nseke, mu ke lala mwa bangunga mpe mu ke landila na kukwenda. Mu me sobaka mingi kubanda ntangu yina, Mpangi Neville. Mu me bakula ti mu me luta bamvula makumi zole na tanu, beno me mona.

⁴ Mpe na yina ya kele bweso na kuvwanda awa na yinzo ya Mfumu na nkokila yayi. Mpe na suka yayi mu vwandaka na mwa—mwa, banoti awa yina mu zolaka . . . mu zolaka . . . Mfumu pesaka munu. Mpe mu banzaka ti mbala yankaka na suka yayi,

kana mu ke na siansi, mu lendaka tubila yawu na ntwala mu sambila samu na bambevo. Kasi na kuvwandaka mutindu yina beto vwandaka na manima ya ntangu na kati ya bakyuvu na suka yayi, mu banzaka ntangu yankaka, kana mama vwandaka ya kulutula mbote, na yina mu banza ti ya ke vwanda kidimbu ti mu zolaka kwisa diaka na nkokila yayi, mu banza, mpe lendaka zonza mwa ntangu fyoti na nkokila yayi kana ya ke kanga ve manaka ya Mpangi Neville kisika mosi.

⁵ Mpe mu vwandaka ya kutelama na kati ya kivinga mu kuzwaka kaka kimbangi ya mbote ba pesaka na munu, samu na mpangi ya kento ya Muklisto yina kele na beto na nkokila yayi. Yandi vwandaka na ndonga ya bisambu na suka yayi, mpe yandi sambilaka, yandi telemaka samu na muntu yankaka. Mpe na kati ya kivinga ya yandi, kivinga ya ndombe, ya kele na *Madia ya nkokila Ya Mfumu, Madia ya nkokila Ya Nsuka Ya Mfumu*. Mpe ya kele mutindu yina mwini lenda bula ve kivinga na kisika mosi. Mpe na yina na ngunga ya tatu na manima ya midi yayi, Mulaka yayi ya Nsemo yina ba monaka awa ntangu beto manisaka na kulonga Bansungi ya Dibuundu, kaka na kati mingi mutindu ntinta ya mukyama, mutindu, kwizaka kaka na zulu ya yintu ya Mfumu Yesu. Mbote, yandi talaka Yawu mwa ntangu fyoti. Mpe yandi kwendaka mpe tubaka na mpangi ya yandi ya kento, mutindu mu me bakula disolo, mpe—mpe bawu kwisaka mpe yitukaka na Yawu na ntangu mingi, ngunga mosi to kima mosi. Mpe na yina ba bokilaka mfinangani mosi, longi, yina vwandaka Mpangi Stricker awa, samu na kumona phenomene ya Yawu. Mpe bawu vwandaka mpe vwandaka tala Yawu mbote, tii na ngunga tanu to kima ya mutindu yina. Mpe ba lombaka longi na kusambila, mpe yandi talaka ti yandi lendaka sambila ve, to kima mosi.

⁶ Na mwa ntangu fioti, muntu mosi pesaka nsangu, (mpe ba vwandaka pesa ntendulu ya bawu na yina ya zola kutuba), mpe nsangu kwizaka na manima, na nzila ya kuzonza na nsangu, mpe yandi tubaka ti bawu vwandaka “ya kutendula yimbi,” bawu pesaka yawu mbote ve. Mu banza ti ya kele kieleka, mutindu yina ve, Mpangi ya kento Bruce? Ba pesaka yawu mbote ve. Yandi tubaka ti yina vwandaka kidimbu, vwandaka kulakisa bawu, mutindu kuvutula matondo na bawu, ti bawu kwikilaka Nsangu yina ke basika awa na tabernacle, mutindu yina. Mpe yandi tubaka ti ya ke kutalisa bima ya kulutula nene yayi ke salama, ti bawu zolaka mona mpe Bawanzio kumata, mpe kukulumuka mpe kumata.

⁷ Na yina beto ke na kuzinga na bilumbu ya nsuka, mpe beto me kuma pene-pene ya ntangu ya nsuka. Mpe mu. . . Yayi ke wakana, ya lendaka wakana mpasi na bantu yankaka, kasi na Miklisto, mu kele na kyese ti beto me kuma awa. Mu—mu kele na kyese ti beto me kuma na nsuka.

⁸ Mu tubaka yawu mbala mosi na lukutakanu. Mpe muntu

mosi vwandaka zonza na munu, yandi tubaka, “Yinki nge zola kutuba? Nge zola tuba ti nge ke vwanda na kiese na kumona nsuka ya yinza kukwisa?”

Mu tubaka, “Oh, yinga, tata!” Mu tubaka, “Kieleka!”

9 Yandi tubaka, “Mbote, yina ke wakana mbote ve, muntu nyonso ke zola nsuka ya yinza na kukwisa.”

10 Mu tubaka, “Na nsuka ya yinza, ntangu, Yesu kwisaka, mpe Yina Mu zola mona.” Mpe mu tubaka, “Biblia me tuba yawu, ‘Bayina nionso ke zolaka kumonika ya Yandi!’ Beno me mona?”

11 Mpe ya kele kyese na kuzaba yawu, ti bima yayi ya ntama awa, ya luzingu, ke suka mosi ya bilumbu yayi, mpe beto ke—beto ke mona Yandi.

12 Kasi mwa ntangu fioti me luta, ba tubaka yawu kuna na . . . Oh, bamvula mingi me luta, ntangu ba vwandaka na kimpika. Mpe ya vwandaka na bakala mosi ya kiboba ya ndombe yina vwandaka . . . yina vwandaka na kimvuka ya mikunga ya ntama ya dibuundu, yina vwandaka yimba na yinsi. Bawu vwandaka vukana mpe bawu vwandaka longi na kati-kati ya bampika, mpe vwandaka longi, beno zaba, mpe bawu kuzwaka lukutakanu. Mpe nkokila mosi ya vwandaka na kiboba mosi kuna yina vulukaka. Mpe ntangu yandi vulukaka, yandi zabaka ti yandi vwandaka na kimpwanza na ntangu yina. Na yina yandi bandaka na kutuba na bampika yankaka, na suka yina landaka, yandi tubaka, “Mu kele na kimpwanza.”

13 Na yawu mfumu ya yandi ya kisalu kwizaka mpe kotisaka yandi, yandi tubaka, “Ntangu yayi, tala awa, Sam.” Yandi tubaka, “Yinki yayi mu ke kuwa ti nge ke tuba na bampika, ti nge ke na kimpwanza?”

14 Yandi tubaka, “Yinga, mfumu.” Yandi tubaka, “Ya kele kieleka.” Yandi tubaka, “Na lukutakanu mazono na nkokila, mu vwandaka na kimpwanza na musiku ya disumu mpe lufwa.” Yawu yina. Yawu yina.

15 Musiku ya disumu mpe lufwa, mu vwandaka na kimpwanza na yawu. Beno vwandaka ntete ya kukangama kuna, beno me mona, kasi ntangu yayi beno kele na kimpwanza na yawu. Beno me mona? Mutindu mu tubaka na suka yayi, lufwa ke zinga kaka na disumu. Disumu mpe lufwa kele mutindu mosi, beno me mona. Kasi ntangu beno me kwenda ntama na disumu, beno me kwenda ntama na lufwa; kasi na yina beno kele na kati ya disumu, beno kele na kati ya lufwa. Beno me mona? Mpe na yina ntangu beno kele na kimpwanza na musiku ya disumu mpe lufwa, beno kele kivangu ya malu-malu na Klisto Yesu, mpe kuna beno kele na kimpwanza.

16 Mpe mfumu ya yandi ya kisalu tubaka na yandi, yandi tubaka, “Sam, nge zola kieleka kutuba yawu?”

17 Yandi tubaka, “Yinga, tata.” Mpe yandi tubaka, “Mfumu bokilaka munu mazono na nkokila samu na kusolula na bantu ya munu, mpe kuzonza na bawu, ti bawu lenda vwanda na kimpwanza na musiku ya disumu mpe lufwa. Ata ti beto kele bampika, kasi beto lenda vwanda na kimpwanza na musiku ya disumu mpe lufwa.”

Yandi tubaka, “Sam, nge zola kieleka kutuba yawu?”

18 Yandi tubaka, “Mfumu, mu zaba ve yina nge ke sala na munu na manima mu me tuba yayi, kasi mu—mu ke tuba na nge, mu kele muntu ya kimpwanza.” Yandi tubaka, “Mu kele na kimpwanza na musiku ya disumu mpe lufwa.”

19 Mpe yandi tubaka, “Sam, mu kele Muklisto, mpe, nge zaba. Mpe samu ti nge me. . . Nzambi me pesa nge kimpwanza na disumu mpe lufwa, mpe nge kele Muklisto, mpe nge ke kuwa ti nge zola tuba na bampangi ya nge samu na yawu, Mu ke kwenda na suka yayi mpe ke pesa nge kimpwanza, mpe ke signé luzabusu. Mpe nge lenda vwanda muntu ya kimpwanza, ya kukangama ve na muntu mosi, samu na kulonga Nsangu ya mbote na bampangi ya nge.”

20 Yandi tubaka ti kiboba yayi longaka bamvula mingi, mingi. Mpe kilumbu mosi kuna, na manima, mutindu beto nionso ke sala, beto ke kuma na nsuka ya nzila ya beto. Mpe ntangu beto kumaka na nsuka ya beto. . . ya nzila ya yandi, ntangu yandi salaka yawu, yandi kulumukaka. Mpe yandi tulaka mabanza ya yandi, bawu tubaka, mbala yankaka, oh, bangunga mingi. Mpe mingi ya bampangi ya yandi ya mindele kwisaka kutala yandi. Mpe ya vwandaka na kimvuka ya bawu na kati ya kivinga ntangu yandi vumbukaka, yandi mosi kwisaka. Yandi talaka bisika nyonso, yandi tubaka, “Nge zola kutuba ti mu kele ntete ve kuna?”

Mpe bawu tubaka, “Sam, nge me lala.”

21 Yandi tubaka, “Ve.” Yandi tubaka, “Mu vwandaka ya kulala ve.” Yandi tubaka, “Mu vwandaka na lweka yankaka.”

22 Na yina, bawu tubaka, bampangi ya balongi tubaka, “Sam, tuba na beto yina nge monaka na simu yina yankaka.”

23 Yandi tubaka, “Mbote,” yandi tubaka, “Mu kotaka na mwelo mosi ya nene ya mpembe ya misanga,” mpe yandi tubaka, “ntangu mu kotaka kuna,” yandi tubaka, “Mu monaka Kiti ya kimfumu, mpe mu monaka Yandi.” Mpe yandi tubaka, “Kuna me kwiza Wanzio, Yandi tubaka, ‘Nge kele Sam?’”

Yandi tubaka, “Mu kele.”

24 Yandi tubaka, “Sam,” yandi tubaka, “awa kele robe mpe yimpu ya kimfumu.” Yandi tubaka, “Nge me kuzwa difuta yayi, Sam, na nzila ya bisalu ya nene yina nge salaka na zulu ya ntoto.”

25 Yandi tubaka, “Kutuba na munu ve samu na robe mpe musendo ya yimpu ya kimfumu.”

Yandi tubaka, “Yinki nge ke zola samu na musendo?”

Yandi tubaka, “Bika mu tala Yandi kaka bamvula funda mosi.”

²⁶ Mu banza ti beto nyonso ke kuwa mutindu yina, mutindu yina ve? Mu—mu zola ve ba-robe mpe bayimpu ya kimfumu mpe bayinzo ya bantinu, mu ke zola kaka kutala Yandi. Mu ke zola kaka kutala Yandi. Mpe kaka, beno zaba, beno ke zola kaka ve—mu ke zola kutelemisa diboko ya beno na ntangu mu ke na kusalaka yawu, Mpangi Neville. Beto lenda sala yawu kintwadi, kutuba, “Banza na yawu, Mpangi Neville, mutindu beto vwandaka na tabernacle, tiya mpe madidi, mpe nyonso. Kasi beno tala awa yina beto ke na kutalaka, Mwana ya Nzambi ya moyo.” Ya ke vwanda mbote ve, kaka samu na kutala mpe kumona mitindu ya Yandi!

²⁷ Munu, bambala zole na luzingu ya munu ntangu yayi, bambala tatu, mu me monaka Yandi na vision. Yandi talaka mutindu mosi konso ntangu. Kasi ya kele ve na artiste na yinza yina lendaka fikula foto ya Yandi. Ba lendaka fikula kima yina lendaka fwanana na Yandi. Kasi Yandi vwandaka mutindu, samu na munu, Yandi ke vwanda Muntu kana Yandi ke tuba ti yinza ke kuma na nsuka, mpe kasi na lembami mingi mpe lutondo, ti ya kele kaka ve. . . ya kele kaka na mitindu mingi kuna ti mpova mosi ve ya artiste lendaka simba. Mpe kieleka mu zola kumona Yandi kilumbu mosi, na kati ya Muntu.

²⁸ Mpe mu ke banzaka bambala mingi, ntangu, mu ke zola kuwa Yandi ntangu Yandi telemisaka maboko yango ya ntalu mpe tubaka, “Beni kwisa na Munu.” Beni me mona yina ya kulemba, ya kulemba ke tala Yandi, ntangu Yandi vwandaka ya kulemba mpe ya kulemba na nzietolo ya Yandi, beno tuba, “Beni kwisa na Munu, beno nyonso yina kele ya kulemba, mpe bizitu ya mingi, mu ke pesa beno kupema. Beni baka kizitu ya Munu na zulu ya beno, mpe beno longoka na Munu, samu ti mu kele ya lembami mpe ya kulemvuka.” Mu ke zola kuwa Yandi kutuba yawu. Mu vwandaka kuna ve na kilumbu yina. Mu vwandaka ya kutelama ve na Pierre, Jacques, mpe Jean. Kasi mu banza ti mu me telama pene-pene ya bawu na kilumbu yina ntangu mu lenda kuwa Yandi kutuba, “Ya vwandaka mbote, kisadi ya Munu ya mbote mpe ya kukwikama, ntangu yayi kota na bakyese ya Mfumu.”

²⁹ Mpe kubanza ti bayina sonikaka Biblia yayi, Paul, Esaie, Jérémie, mpe bantumwa nionso, mpe bampangi yango ya ntalu, kisika nyonso bawu kele ntangu yayi, kisika nyonso bawu kele ntangu yayi. . . Nzambi ya kieleka yina salaka na bawu, na ntwala ya bima mpe sonika Yawu, mpe nyonso yina, mpe pesaka bawu makabu ya Biblia, profesi mpe kuzonza na bandinga, mpe bidimbu mpe mambu ya ngitukulu, mpe nyonso yina. Bantu yango mosi, kisika nyonso bawu kele ntangu yayi, beto ke

wwanda na bawu. Nzambi mosi na kima mutindu mosi. Ya kele ve “mu banza mutindu yina” dyaka ve, beto zaba yawu ntangu yayi, beno me mona, samu ti Yandi kele kieleka awa mpe beto zaba ti ya kele mutindu yina. Na yina beto ke wwanda ve bantu ya kulutila kiese na zulu ya ntoto? Yinki, yinki dyaka beto ke zola?

³⁰ Mu vwandaka tuba na manima ya midi yayi na bakala mosi ya kiboba, pene, mu banza ti yandi tubaka ti yandi vwandaka na bamvula makumi nana na nana to makumi nana na yivwa, yina me kuma kaka Muklisto ntama mingi ve. Mu botikaka yandi na Nkumbu ya Yesu Klisto, ntangu yandi vwandaka na kima ve kasi kazaka ya yandi ya ntangu nyonso. Mu nataka yandi awa na masa. Mu banza ti Mpangi Wood me pesa yandi pantalon to kima mosi, mpe beto botikaka yandi awa na masa. Mpe yandi tubaka na munu, ntangu yandi vwandaka mwana-bakala. . . Yandi ke zolaka mingi bakala ya mavimpi ya mbote ntangu yayi. Mpe yandi, ntangu yandi vwandaka mwana ya bakala, yandi tubaka mutindu yandi salaka na ba-dollars makumi tatu na ngonda mosi. Ata mbala mosi ve ti yandi kwelanaka to kima mosi tii yandi vwandaka kiboba ya bakala. Mpe yandi tubaka wapi mutindu yandi zolaka ntangu yina ntangu yandi zolaka kukuma mununu tii yandi ke lomba bima ve mpe ke lala kuna na bala-bala. Wapi mutindu yandi bakaka mwa bapalata mpe bima yina yandi bumbaka, mpe tulaka yawu na kisalu, mpe yawu salaka kieleka kisalu mpe kumaka mingi. Mpe salaka. . . Mpe ntangu yayi yandi yayi, na bamvula makumi nana na kima mosi, makumi nana na nana to makumi nana na yivwa, mu banza ti yandi tubaka, pene-pene ya makumi yivwa, ke tambula kaka, ke wwanda awa na yinzo-nzambi na suka yayi. Mpe kuna ba me kubika yandi ya kulutila tii kuna yandi ke wwanda ve na boma. Kana yandi ke zinga bamvula nkama yankaka, yandi ke wwanda ve na boma na yina me tala mbongo mpe nionso yina. Na ntima ya mbote, santu ya mbote, mpangi ya bakala, ke salaka nyonso samu na Miklisto, mpe nyonso yina yandi zaba mutindu ya kusala.

³¹ Mpe na yina mu tubaka, “Mpe na zulu ya nionso yina, mpangi ya munu ya ntalu, ntangu beno vwandaka ntete na bamvula makumi nana na nana to makumi nana na sambwadi, Nzambi, na kyadi ya Yandi, me kulumuka mpe me pesa beno Luzingu ya Kukonda nsuka na Yinzo ya Mazulu.” Yinki beno lenda zola kulutila samu na kulungisa luzingu? Yinga, tata.

³² Mpe na bimvwama nyonso yina beto lendaka kuzwa ya kulutila, bima nyonso yina beto lendaka sala na zulu ya ntoto, ya lenda wwanda nyonso yina bawu kele, yina muntu me sala, beno fwana kufwa mpe kubika konso kitini ya yawu.

Kulula ve bimvwama ya mpamba ya yinza
yayi,
Yina ke bebaka na nswalu nionso,

Tunga kivuvu ya nge na zulu ya bima ya
Kukonda nsuka,
Ata mbala mosi ve ti bawu ke luta!

³³ Ya kele kieleka. *Simba Diboko Ya Nzambi Ya Moyo*. Mu zola nkunga yina. Beto vwanda yimbaka yawu mingi awa na tabernacle.

Ntangu me fuluka na nsobolo ya nswalu,
Kima mosi ve na zulu ya ntoto ke bikana yina
ke ninganaka ve
Tunga kivuvu ya nge na zulu ya bima ya
Kukonda nsuka,
Simba diboko ya Nzambi yina ke sobaka ve!

³⁴ Mama ya munu ya kiboba kele kuna na nkokila yayi. Kana mu vwandaka na bankama ya mafuku ya ba-dollar, mu zolaka pesa konso mbongo ya yawu samu na kuzonza na yandi ngunga mosi. Mu zolaka. Kieleka. Mpe yinki kana yandi vwandaka na nkama ya mafuku ya ba-dollar, wapi mbote ya zolaka sala yandi ntangu yayi? Kima ve, beno me mona. Bima yina yandi kele na yawu, yandi me bika ve bimvwama ya ntoto. Kasi, yandi ke bika yayi, yandi zaba Mfumu Yesu mutindu Mvulusi ya yandi. Yawu yina kima ya mfunu.

³⁵ Na ntwala ya yayi mu. . . Beto nionso kukitala beto mosi na nkokila yayi. Bika beto banza kaka ntete beto sambila, “Wapi mutindu kele ya munu—ya munu ya kutelama na nkokila yayi na Nzambi?” Beto tala na kati ya bantima ya beto mpe beto tala. “Mfumu, kana mu me lwadisa moyo mosi bubu yayi, kana dikulu mosi me katuka na nzila samu na munu, nyonso yina mu me sala to me tuba yina vwandaka luvunu, O Nzambi, lemvo kila munu samu na yawu.” Beno me mona? Ti. . .

Lukwikilu ya munu ke tala na Nge,
Nge Mwana-dimeme ya Calvaire,
Mvulusi ya Kinzambi;
Ntangu yayi beno kuwa munu na ntangu mu ke
sambila,
Katula foti ya munu nyonso,
Mpe bika munu kubanda bubu yayi
Vwanda nyonso ya Nge!

Na yina mu ke tambula na kati ya mpimpa ya
luzingu,
Mpe bampasi ke kuma mingi pene-pene ya
munu,
Vwanda Ntwadisi ya munu;
Bika ti mpimpa kusoba na nsemo,
Katula maza ya meso ya mawa,
Kubika ve ti mu kwenda
Ntama na Nge.

³⁶ Bumba munu na nzila, Mfumu. Bumba munu na kati-kati ya luzolo ya Nge. Ntwenya to kiboba, beto zaba ve wapi mutindu kiboba beno lendaka vwanda, mpe kasi beno lendaka vwanda na bamvula makumi nana, mpe kana beno zingaka tii na suka, nge ke vwanda mingi mwana ya bakala ya bamvula kumi na sambanu mpe mwana ya kento. Ya ke vwanda na mwana ya bakala ya bamvula kumi na sambanu mpe mwana ya kento yina ke kwenda kutana na Nzambi na ntwala bwisi kutsya. Ya kele kieleka. Nsungi kele na kima ve ya kusala na yawu. Kima ya yawu kele, beno me kubama na kukutana na Yandi? Yawu yina kima ya mfunu.

³⁷ Beto banza na bima yayi ntangu yayi na yina beto ke sambila, na yina beto ke kulumusa bayintu ya beto.

³⁸ O Tata ya Lemvo mpe ya Santu mpe Tata ya Buzitu ya Luzingu, beto me kota na Mvwandulu ya Nge, Nzambi ya Ngolo nyonso, samu na kuvutula matondo na kati ya ntima ya beto, ti beto kele na bweso ya kuvwanda awa na nkokila yayi. Mu vwandaka tambula na zulu mpe yisi ya lupitalu yina mwa ntangu fioti me luta, mpe mu vwandaka tala kuna na kati, na bantu yina vwandaka zaba diambu mosi ve, ndambu ya bawu vwandaka basika menga mpe vwandaka dila, mpe bayankaka na ngaanda ya yintu ya bawu mpe ya kukangama na kati ya mbeto ya bawu, O Nzambi, mu ke sambila ti bawu nionso me kubama, Tata, ti bawu ke kubama na kukutana na Nge kana bawu basika na luzingu yayi. Mpe kubanza, Mfumu, ti ya lendaka vwanda beto, mosi na mosi ya beto awa, kana ya vwandaka ve samu na lemvo ya Nge. Kasi Nge me bika beto kuzinga kintwadi diaka na nkokila yayi, samu na kukubama. Bima yango ke na kulutilaka na bantima ya beto mpe mabanza ya beto ntangu yayi, Mfumu. Mpe na yina Nge ke na kusosa nsuka ya ntima ya beto, kana ya kele na kima ya mvindu na zulu ya beto, Mfumu, katula yawu, Tata. Nzambi, pesa mioyo ya beto na Nge.

³⁹ Beto ke tonda Nge samu na nyonso yina Nge me sala mpe samu na yina beto ke kwikila ti Nge ke sala. Mpe samu na Nsemo yina ke na kumonika bubu yayi kuna na yinzo ya Mpangi-kento Bruce, Mu ke tonda Nge samu na yawu, Mfumu, Yawu ke pesa bawu ngolo.

⁴⁰ Mpe ntangu yayi, Mfumu, mu ke sambila ti Nge ke pesa na nkokila yayi ti mioyo ya beto lendaka vwanda ntangu nyonso ya malu-malu na Mvwandulu ya Nge awa na tabernacle yayi. Beto ke tonda Nge, Tata, samu na tabernacle yayi. Beto ke tonda Nge samu na pasteur ya yawu awa, Mpangi ya beto Neville, muntu ya kukikulumusa, muntu ya kusungama, muntu yina kele ya kifuluka na zola ya Nzambi samu na Klisto mpe samu na Dibundu ya Yandi. Mu ke sambila ti Nge ke sakumuna yandi, mpe mwa nkundi ya yandi ya luzolo, mpe bana ya yandi. Mpe, Mfumu, bika ti bawu kuzinga mingi na kati-kati ya beto awa na zulu ya ntoto. Pesa yawu. Bumba kimbevo ntama ya kielo ya

bawu, mpe bumba bawu na mavimpi ya mbote. Bumba bimbevo na myelo ya beto nyonso, Mfumu, bumba beto mbote samu ti beto sadila Nge.

⁴¹ Mpe ntangu yayi beto ke tula mioyo ya beto na zulu ya autel, samu na kulonguka ntangu yayi, mutindu mu ke zibula meso ya munu na mwa ntangu fioti samu na kutanga Ndinga ya Nge, kana ya kele luzolo ya Nge, mpe ya ke kubwa mingi ya munu na nokokila yayi samu na kumeka na kubuka Dimpa ya Luzingu na bantu. Ntangu yayi, Mfumu, sadisa munu na kutuba kima yina ke sadisa moyo mosi ya mputu, ya kulemba awa na nokokila yayi. Sadisa yawu ti yawu fwana vwanda bampova ya kusungika, ti beto fwana zaba wapi mutindu beto fwana kukitiadisala beto mosi, yina beto lendaka sala mpe mutindu beto lendaka zinga na yinza ntangu yayi, kana beto ke vingila na kusala Zulu Yinzo ya beto. Pesa yawu, Mfumu. Mpe belusa kimbevo. Kana ya kele na mosi na kati ya beto, Mfumu, ya kele ya kubela, beto ke sambila ti Nge ke belusa yawu. Pesa ngolo na bayina me lembe. Beto ke sambila samu na bawu.

⁴² Beto ke sambila kaka dibuundu yayi ve, kasi samu na mabuundu yankaka na yinza ya muvimba kisika ba ke sala kisambu, mpe kubondila na ntwala ya Nzambi, mpe mafunda mingi ya basantu ya ntima na nzala ke boka, “Kwisa, Mfumu Yesu, kwisa!” Oh, ya kieleka Nge ke kuwa kudila ya beto, Mfumu, kilumbu mosi, mpe ke kwisa.

⁴³ Kana ya kele mingi ya beto kulala ntete yawu kwiza, Nkwizulu kele, beto zaba ti mpungi ke bula mpe bantu ya kufwa na Klisto ke vumbuka ntete. Beto ke kwisa mpe beto ke telema na Mvwandulu ya Nge kilumbu mosi. Beto ke tonda Nge samu na yayi, mpe beto ke vingila ntangu yina, mpe ntangu yayi beto ke yidika bantima ya beto. Samu beto me lomba yawu na Nkumbu ya Yesu. Amen.

⁴⁴ Ntangu yayi, mu ke vingila ve kuzonza bilumbu mingi na nokokila yayi, mu banza baminuti makumi tatu, to makumi yiya, na zulu ya mwa dilongi mosi awa, ti mu ke zola kutanga ntete Masonuku mosi na Buku ya Psaumes. Psaumes 105, mpe kutanga nzila ya 15, kintwadi. Na yina mu ke tanga Psaumes yayi, mu zola ti beno kuwa mbote-mbote na ntangulu ya Ndinga, samu Ndinga ya Nzambi ke kubwa ata fioti ve.

O beno vutula matondo na MFUMU; beno bokila nkumbu ya yandi: beno zabisa bisalu ya yandi na kati ya bantu.

Ntangu yayi beno banza kaka na yayi!

...beno vutula matondo na MFUMU; beno bokila nkumbu ya yandi: beno zabisa bisalu ya yandi na kati ya bantu.

Beno yimbila yandi, beno yimbila yandi ba-psaumes: beno zonzila...bisalu ya yandi ya nene.

Beno kumbila nkumbu ya yandi ya santu: ti bantima ya bawu yina . . . beno sepela bayina ke sosaka MFUMU.

Beno sosa MFUMU, mpe ngolo ya yandi: beno sosa kizizi ya yandi ntangu nyonso.

Beno bambuka moyo na bisalu ya yandi ya nene yina yandi me salaka; mambu ya yandi ya ngitukulu, mpe lufundusu ya yandi ya yinwa ya yandi;

O beno nkuna ya kisadi ya yandi Abraham, beno bana ya Jacob basolami ya yandi.

Yandi kele MFUMU Nzambi ya beto: balufundusu ya yandi kele na ntoto nyonso.

Yandi me bambuka moyo na ngwisani ya yandi samu na ntangu nyonso, ndinga yina yandi tumaka na bansungi fundu mosi.

Ngwisani yina yandi salaka na Abraham, mpe ndefi ya yandi na Isaac;

Mpe yandi siamisaka mutindu mosi na Jacob samu na musiku, mpe na Israël samu na ngwisani ya kukonda nsuka:

Na kutubaka, Na nge mu ke pesa yinsi ya Canaan, mutindu difwa yina ba pesaka beno:

Ntangu bawu yina . . . Ntangu—ntangu bawu vwandaka kasi bantu fioti na ntalu; yinga, bantu fioti, mpe banzenza na kati ya yawu.

Ntangu bawu kwendaka na yinsi mosi na yankaka, mpe na kimfumu mosi na yankaka . . .

Yandi pesaka muswa na muntu ve na kusala bawu yimbi: yinga, yandi sembaka bantinu samu na bawu;

Na kutubaka, Beno simba ve bapakulami ya munu, mpe beno sala yimbi ve na bapofete ya munu.

⁴⁵ Mu zola kubaka dilongi mosi kuna, ya: *Luzitu*. Kutanga awa, David bokaka na Mfumu. Luzitu kele yina beto ke defa na Nzambi. Mpe ya kele kima mosi yina mu ke zola, na docteur yayi na ntima ya muntu nionso awa na nkokila yayi, ti, na bima nyonso yina beto ke mona kusalama, beto fwana pesa luzitu na yawu. Beno me mona, beto fwana zitisa yawu. Mpe David tubaka ti ntangu bawu vwandaka bantu fioti ya Israel, mu banza Abraham, Isaac, mpe Jacob, yina yandi vwandaka zonzila, bantu fyoti mingi, ti Yandi sembaka bayinsi mpe bantinu samu na bawu. Nzambi sembaka bayinsi mpe bantinu, na kutubaka, “Kusimba ve bapakulami ya Munu, mpe sala bapofete ya Munu kusala yimbi ve.”

⁴⁶ Kuna na Banganga-Nzambi, kapu 12 mpe nzila ya 13, ya kele ya kusonika mutindu yayi, beno me mona.

Beto kuwa nsuka ya dyambu nyonso: Beno vwanda na boma ya Nzambi, mpe beno zitisa misiku ya yandi: samu ti yayi kele kisalu ya muvimba ya muntu.

⁴⁷ Nsuka ya dyambu nyonso kele “kuvwanda na boma ya Nzambi.” Mpe, na yina, beno lenda vwanda ve na luzitu tii kuna beno ke vwanda na boma. Beno fwana vwanda na boma ya Nzambi. Salomon tubaka mpe, na Proverbes, ti:

Boma ya Nzambi kele mbandukulu ya ndwenga:

Boma ya Nzambi kele mbandukulu ya ndwenga:

⁴⁸ Ntangu yayi, yina zola kutuba ve ti beno kele na boma ya Yandi, kasi yina zola kutuba ti beno ke pesa Yandi “luzitu” mpe “buzitu.” Mpe ntangu beno ke zitisa Nzambi, beno ke vwandaka na boma ya Nzambi. Beno ke na boma ti beno me niongisa Yandi na mutindu mosi, beno ke na boma ti beno ke sala kima ya yimbi. Beno ke zola ve.

⁴⁹ Mu ke na boma ya mama ya munu. Mu ke na boma ya kento ya munu—ya munu. Mu ke na boma ya dibuundu ya munu. Mu ke na boma ya bisadi nionso ya Nzambi, kana mu lendaka tula ditadi ya disakuba kisika mosi kuna na mutindu ya bawu. Mu—mu ke na boma ya bantu. Mu ke na boma ya bantu ya mbanza, kana ti mu sala kima ya yimbi yina ke sala bawu kubanza ti mu vwandaka ve Muklisto.

⁵⁰ Beno me mona, beno fwana, ntete beno kuzwa luzitu, beno fwana vwanda na boma. Mpe Nzambi ke lombaka yawu, Yandi ke lombaka luzitu. Nzambi ke salaka yawu, Yandi ke lombaka yawu. Mpe boma ke nataka yawu. Mpe beto zaba ti boma ke nataka luzitu.

⁵¹ Ntangu yayi, beno baka mutindu, bakala, yandi kele kisadi-bilanga to mu banza ti yandi kele kisadi ya magazini, mpe muntu ve ke kipe yandi. Kasi beno bika yandi kuzwa kisalu na bapulusu mpe yandi kulumuka na bala-bala, mpe mutindu pulusu na kidimbu ya yandi mpe yandi kulwata uniforme, (na yina, ntangu yankaka muntu yina vwandaka tuba na yandi ve kilumbu me luta na ntwala), “Mbote, kuna, Jean! Wapi faso?” Beno me mona? Samu na yinki ya kele? Ya kele mutindu ya boma, to boma, to luzitu, samu na yawu. Ya lendaka vwanda ti yandi soolaka na kuvwanda mfumu ya mbanza, to mu banza . . .

⁵² Nani ke vwanda Ntwadisi ya yinsi Kennedy na nkokila yayi, kana yandi vwandaka ve Mfumu ya yinsi Kennedy? Yinki kana yandi vwandaka kaka muntu mutindu mosi yandi kele, kasi ntete yandi vwandaka kisadi mosi yina vwandaka sala kuna na Colgate awa samu na ba-dollars makumi yiya na sabala mosi? Beno me mona? Yandi ke luta na mbanza awa mpe muntu ve ke kipe yandi, kaka bankundi ya yandi mosi. Kasi, na kuvwandaka yandi kele Ntwadisi ya yinsi ya Etats-Unis, yandi fwana kuzwa luzitu, beno me mona.

⁵³ Mpe yina, mpe samu ti Nzambi kele Nzambi, Yandi fwana kuzwa luzitu. Ya kele kieleka. Mpe Yandi, beto fwana zitisa Yandi, mpe kupesa boma na Yandi. Mpe yina ke nataka luzitu. Nzambi me lomba yawu samu na Yandi mosi mpe samu na bisadi ya Yandi nionso. Nzambi ke lombaka luzitu na bisadi ya Yandi. Yandi, bisadi ya Yandi, mutindu beto zaba ti bawu kele bisadi ya Yandi, samu ti Yandi ke siamisaka bisadi yayi na nzila ya Ndinga ya Yandi. Yandi ke baka bisadi yayi mpe ke sala bawu bisadi ya Nzambi, mpe ke siamisa ti bawu kele bisadi, na kusalaka ti Ndinga ya Yandi kusala na nzila ya bisadi yina. Na yina mutindu beno ke zitisa kisadi yina, beno ke zitisa Nzambi. Na yawu ntangu mu ke zitisa beno mpe beno ke zitisa munu, mpe beto ke zitisa mosi na yankaka, na yina beto ke zitisa Nzambi.

⁵⁴ Yesu tubaka ve, “Bambala nyonso yina beno me sala na bana ya fyoti yayi, bana ya Munu ya fyoti, beno me sala yawu na Munu. Mpe ya ke vwanda mbote mingi samu na beno ti ba kanga ditadi ya nene na nkingu ya beno, mpe ba losaka beno na kati ya mubu, na kisika ya kusala yimbi na mosi na kati ya bawu. Samu ti mu ke tuba na beno, beno tala kizizi ya bawu. . . Bawanzio ya bawu ke talaka ntangu nyonso kizizi ya Tata ya Munu yina kele na Mazulu?” Ntangu yayi, beto zaba ti bawu kele, ti beto, na kuvwandaka bana ya Nzambi, ti beto kele kitini ya Nzambi. Mpe Nzambi ke lombaka luzitu yayi. Mpe na yina Nzambi ke lakisa nani kele bana ya Yandi. Yandi—Yandi ke lakisa yawu na nzila ya mambu ya ngitukulu mpe bidimbu, mpe ti ya me salama.

⁵⁵ Ntangu yayi, beto ke banda ntangu yayi mpe ke bokila na kyuvu na kati ya bantu yayi. Ntangu yayi, kana mu zolaka tuba, samu na mosi, na kubanda, mu zolaka banza na—na. . . Beto baka Noé, mwa ntangu fyoti. Ntangu yayi, Noé vwandaka na luzayikisu ya Nzambi, kasi ya vwandaka ya kuswaswana na kima yina science ke siamisa ti ya kele kieleka. Kasi ntete yandi tubaka na Nzambi, mpe Nzambi tubaka na yandi. Mpe yandi kwendaka samu na kuyidika nzasa. Kisika, bantu ya masawula mpe bantu ya kuseka, mutindu Biblia ke tuba ti bawu ke vwanda na bilumbu ya nsuka mutindu bawu vwandaka na bilumbu yina, ti baseki yina sekaka Noé. Na yina, bawu banzaka ti yandi vwandaka na kimbevo ya yintu ya yandi samu yandi vwandaka tunga nzanza. Na yawu, kasi Nzambi nataka lufundusu na zulu ya bawu bantu ke sekaka Nzambi, samu ti bawu zolaka kuwa ve munati-nsangu ya Nzambi mpe kukota na nzasa yango na yisi ya kulonga ya yandi, na yina Nzambi fidisaka balusambusu ya Yandi ya Kinzambi na zulu ya ntoto. Ntete Yandi kubamaka samu na bayina nionso zolaka kuzwa yawu, samu na kutina yawu, mpe na yina kana ba me tina yawu ve, ya kele kaka na kima mosi me bikana. Kana bawu zola ve kubaka kukubama ya Nzambi samu na kutina, na yina ya kele kaka na kima mosi me bikana, ya kele lufundusu ya Kinzambi.

⁵⁶ Beno lenda sala kaka bima zole, ya kele to kyadi to

lufundusu. Beno fwana ndima mosi to yankaka. Ya kele kisika beto me telama na nkokila yayi. Beto ke baka kyadi ya Nzambi to beto ke telama na lufundusu ya Yandi. Ya kele kaka ve na mutindu ya kubaluka na yawu. Nzambi ke salaka ntangu nyonso nzila ya kutina samu na bayina zola kutina. Na yina Yandi me . . . Yina me bikana, fwana kutelama na lufundusu. Ve samu ti Nzambi zola bawu, kasi samu ti bawu me sola mutindu yina bawu mosi. Beno me mona, bawu ke sala nsodolo ya bawu mosi. Ya kele kisika beto me telama na nkokila yayi, bankundi, kima mutindu mosi. Beto lenda baka nzila ya Nzambi samu na kutina, to beto lenda luta na lufundusu ya Yandi, yayi to yina beto zola kusala. Beno kele ve na kyese na nkokila yayi ti beno me baka nzila ya kutina? Samu ti, bayina nyonso ke manga nzila ya kutina, fwana luta na yisi ya lufundusu.

⁵⁷ Na yina ya kele na muntu yankaka yina mu ke zola kuzonzila. Ya vwandaka na profete mosi ya nene, ya ngolo na nkumbu ya Moise. Bantu (Israël) zolaka bakula, landila Masonuku, ti Nzambi zolaka vulusa bawu mpe zolaka basisa bawu na Egypte. Kasi kaka na ntangu Nzambi kubikaka muntu ya Yandi mpe fidisaka yandi kuna na Egypte, ba vwandaka ve na luzitu samu na yandi. Ba basisaka yandi, mpe tubaka, “Nge zola kufwa beto mutindu nge salaka na ba-Egyptien?” yina salaka ti bawu bikana na kimpika kulutula bamvula makumi yiya. Ba bikanaka na kimpika samu ba mangaka na kuzitisa mvulusi yina kwisaka samu na kubasisa bawu. Yina vutulaka bawu dyaka na kimpika. Ve samu ti Nzambi zolaka ti bawu vwanaka, (ntangu vwanaka kaka kieleka), kasi bawu vwanaka na bamvula makumi yiya samu ti bawu mangaka na kundima nzila ya Nzambi kubikaka ya kutina.

⁵⁸ Mutindu mu ke kwikila ti yawu yina diambu na nkokila yayi. Kima ya mutindu mosi, beno me mona.

⁵⁹ Ti bawu mangaka nzila, mpe Nzambi bakaka lukanu, mpe tubaka na Abraham mpe bayankaka na ngwisani ya Yandi (mutindu beto ke tanga David kuyimba yawu na nkokila yayi), Yandi silaka bawu ti Yandi zolaka sala kima mosi, na yawu Nzambi ke zitisa nsilulu ya Yandi. Yandi zolaka basisa bawu, na mutindu nyonso, kasi mu banza na kutala nsungi yankaka kufwaka. Nsungi ya ntama yina sekaka Moise, mpe nionso yina, mpe lendaka ve kundima Nsangu, nsungi yango (bamvula makumi yiya) kufwaka, mpe Moise kotaka na nsungi yankaka. Beno me mona yina mu zola kutuba? Kana bawu ndima yawu ve, na yina Nzambi ke bika nsungi yina kufwa mpe Yandi ke nata nsungi yankaka samu na kusala yawu. Na yawu, bawu mangaka yawu. Mpe kuna beto talaka, nsungi yayi yankaka yina kwisaka, ntangu Moise kwendaka kuna samu na kusiamisa yandi mosi . . .

⁶⁰ Beno zaba, Moise vwanaka na boma ya kukwenda kuna. Moise vwanaka na bamvula makumi nana na ntangu yayi, mpe yandi kwendaka bamvula makumi yiya. Mpe ntangu yandi

tubaka na Nzambi na mulaka ya tiya, yandi tubaka, “Nani mu ke tuba na bawu me fidisa munu?” Nzambi vwandaka na nkumbu ve. Yandi tubaka, “Nani mu ke tuba na bawu yina fidisaka munu?” Yandi tubaka, “Ntangu mu ke tuba, ‘Nzambi ya batata ya beno monikaka na munu,’ ba ke tuba, ‘Nani kele Nzambi ya batata ya beto?’ Mbote, yinki mu ke tuba na bawu?”

⁶¹ Yandi tubaka, “Nge tuba na bawu ti ‘MU KELE YINA MU KELE.’ Nge ke tuba na bawu ti ‘MU KELE YINA MU KELE.’” Mpe Yandi tubaka, “Yinki yina kele na diboko ya nge, Moise?”

⁶² Yandi tubaka, “Nkawa.” Mpe yandi losaka yawu na ntoto mpe yawu kitukaka nioka. Mpe yandi tulaka diboko ya yandi na ntulu ya yandi, yawu kitukaka lèpre; mpe vutukaka, mpe belusaka.

⁶³ Yandi tubaka, “Kulumuka, mpe baka bidimbu yayi mpe sala yawu na ntwala ya bantu, mpe ya ke vwanda nsiamisa. Bawu ke zaba na nzila ya bidimbu yayi yina mu fidisaka nge samu na luvukulu.” Oh, mpangi! Nzambi ke salaka yawu ntangu nionso. Nzambi ke pesaka ntangu nionso bidimbu ya kulutula mazulu. Beno me mona?

⁶⁴ Mpe ntangu yayi ntangu yandi kulumukaka mpe bokilaka bantu, mpe salaka bidimbu ya yandi na ntwala ya bawu, Israel nionso kwikilaka, bawu nionso. Mpe bawu kwendaka mbala mosi na yinzo ya ntinu, mpe, samu na luvukulu. Mpe na yina Pharaon bakaka lukanu ti yandi pesaka bawu luvukulu ve, mpe Nzambi pesaka lufundusu na Pharaon. Mpe beto zaba yina salamaka na Egypte.

⁶⁵ Ya ngitukulu, na manima ba me mona bidimbu yina nionso kusalama, mpe na manima ba kumaka na Mubu ya Mbwaki, mpe monaka ti Nzambi ya kieleka yina salaka bidimbu yina nionso, awa na Mubu ya Mbwaki, tulaka ntembe na Nzambi, kima ya ntete, ti Yandi vwandaka na lenda ya kusala nzila ya kutina.

⁶⁶ Ntangu yayi, ya kele kisika beto ke salaka kifu ya beto. Ntangu mwa kimbevo ke bula beto, ntangu mwa mambu ya yimbi, to mwa mpasi ke bula kisika mosi kuna na nzila, na yina beto ke kwenda na ntwala. Ntwenya ya mundimi; muntu mosi ke seka yandi, ke tuba, “Mbote, nge ke kima yankaka ve kasi exalté.”

⁶⁷ “Mbote, mu ke zolaka ve ti ba bokila munu exalté.” Beno me mona, beno me mona, yawu yina, beno ke sala ntembe yina.

⁶⁸ Ya kele ntangu ya kutelama kuna! Ya kele ntangu ya kutelama, kuzitisa munati-nsangu. Ya kele ntangu ya—ya kupesa nkembo na Nzambi.

⁶⁹ Mpe Moise tubaka, “Mu me sala yayi, dezia, bimangu kumi na ntwala ya nge. Mpe Nzambi me pesa beno bimangu kumi, mpe na yina beno kele na boma na mubu. Kieleka. Wapi mutindu ya ke lomba beno na kukwikila?” Yandi vutukaka, mpe bakaka

nkawa ya yandi mpe simbaka yawu na ntwala ya mubu, mpe bitembo kulumukaka mpe pasulaka yawu na lweka yankaka, mpe bawu sabukaka. Mpe kaka na ntangu bawu kumaka kuna, na mbala mosi bandaka na kubokuta ti bawu vwandaka na dimpa ve. Beno me mona, kaka kima mutindu mosi. Na yina Nzambi kulumusaka mampa na mazulu samu na bawu. Na yina bawu niungutaka ti bawu vwandaka ve na maza, mpe kuniunguta mosi na manima yankaka. Mpe mu me bakula . . .

⁷⁰ Beno ke tuba, “Mbote, mu banza ti bawu vwandaka kifwani ya bayina me ndima ve.” Mbote, mu banza ti bawu vwandaka. Ya vwandaka na kimvuka ya bantu ya kuvukana yina kwendaka na bawu, kieleka.

⁷¹ Kasi mu zola kunata kima yankaka na lubambuku ya beno. Kana Nzambi fidisaka munati-nsangu, mpe siamisaka, na nzila ya bidimbu, ti yandi vwandaka munati-nsangu yina Nzambi fidisaka, na yina ya me tala bawu na kutumama na munati-nsangu yayi. Ya kieleka. Bawu fwana tumama na munati-nsangu mpe kuvwanda na luzitu na munati-nsangu yina. Beno tala Josué na Caleb, bawu vwandaka kaka na lweka ya yandi. Yinga, tata. Nionso yina Moise vwandaka, bawu vwandaka na kati ya yawu, mpe. Kana Moise vwandaka ya kusungama to ya yimbi, bawu kangamaka kaka na yandi, na mutindu nionso, beno me mona, samu bawu zabaka ti yina vwandaka munati-nsangu ya Nzambi.

⁷² Mpe kuna, kilumbu mosi, beto talaka ti Miryam, profetese, mpe Aaron, nganga-Nzambi ya ntete, bawu sekaka kento ya Moise samu ti yandi vwandaka Ethiopienne, mpe banzaka, “Ya vwandaka ve na bakento mingi ya kimvuka ya beto mosi, samu na kukwela, na kisika ya kukwenda kuna mpe kukwela kento yango?” Yina vwandaka nsodolo ya Moise ve; yina vwandaka nsodolo ya Nzambi samu na Moise. Mpe ntangu bawu sekaka yawu, ti Nzambi ya kudasuka na mutindu mosi tii kuna Yandi bulaka Miryam, profetese, ya kufuluka na kimbevo ya wazi, mpangi ya kento ya Moise. Yinki samu na yawu? Yandi, profetese, kasi yinki yandi vwandaka sala? Yandi vwandaka seka mpe kukondwa buzitu na munati-nsangu ya Nzambi, munati-nsangu ya ngwisani ya kilumbu yina. Mpe yandi vwandaka kukondwa luzitu. Mpe Aaron, nganga-Nzambi ya mbuta, mwa yinwa ya Moise, mbote, yandi vwandaka na yandi.

⁷³ Mpe Aaron kuna, ntangu yandi monaka mpangi ya yandi ya kento kuzwaka lèpre, yandi kwendaka kuna mpe tubaka na Moise, “Nge zola bika mpangi ya nge mosi ya kento kufwa?”

⁷⁴ Mpe Moise kwendaka na tabernacle mpe kubwaka na ntwala ya Mfumu, mpe bandaka na kudila mpe kubokila Nzambi, kyadi samu na mpangi ya yandi ya kento. Mpe Mpeve ya Mfumu kulumukaka mpe tubaka, “Bokila Aaron mpe Miryam na kutelema awa na ntwala ya Munu.” Oh, la la!

⁷⁵ Nzambi ke lombaka luzitu! Nzambi ke fidisa Nsangu ya Yandi, beno kuwa Yawu mpe beno ke zitisa Yawu. Beno kipe ve kana ba ke bokila Yawu nkonga ya ba-exalté, to ya vwanda nyonso yina ba ke bokilaka Yawu; bika yinza kusala yina bawu zola. Kasi beno pesa luzitu!

⁷⁶ Na yawu, kuna telamaka Miryam. Nzambi tubaka, “Beno bokila Miryam mpe beno bokila Moise . . . to beno bokila Aaron awa, mpangi ya beno ya bakala mpe ya kento, samu na kutelama na ntwala ya Munu.”

⁷⁷ Mpe ntangu bawu kotaka na ntwala ya Nzambi, Nzambi tubaka, “Kuvwanda na boma ya Nzambi ve?” Yandi tubaka yawu na nganga-Nzambi ya ntete mpe na Miryam profetese. Yandi tubaka, “Kana ya kele na muntu, muntu na kati ya beno, yina kele ya kimpeve to profete, Munu Mfumu ke kukitalisa Munu mosi na yandi. Mu ke zonza na yandi na ba-vision mpe ke monisa Munu mosi na bandosi na yandi, mpe nyonso yina, kana yandi kele ya kimpeve to profete.” Kasi yandi tubaka, “Kisadi ya Munu Moise, mu ke tuba na yandi yinwa.” Yandi tubaka, “Kuvwanda na boma ya Nzambi ve?” Na nzonzolo yankaka, “Beno ke zonzila na yina me tala Moise, beno ke na kuzonzila Munu. Kana beno lenda zitisa Moise ve, beno ke zitisa Munu ve.” Yandi tubaka, “Mu me siamisa ve na kati ya beno ti yandi kele kisadi ya Munu? Mpe beno kele ve na buzitu samu na yandi ata fyoti ve.”

⁷⁸ Yinki ya ke vwanda leso samu na bantu ya kilumbu yayi, ata luzitu ve, ata lukumu ve!

⁷⁹ Ntangu yayi Yandi tubaka, “Mpe samu ti nge salaka yawu ve, ya kele samu na yina nge kele na kimbevo ya wazi. Ya kele samu na yina bima yayi me kwenda,” yandi tubaka, “samu ti nge fwana zaba ti yayi vwandaka kisadi ya Munu. Beno zaba yawu, na yina ntangu beno ke tuba kima mosi samu na yandi beno ke tuba yawu samu na Munu.”

⁸⁰ Na yina Moise sambilaka samu na luzingu ya yandi kukebama, mpe Nzambi kebaka luzingu ya yandi. Yandi zingaka mingi ve na ntwala, yandi kufwaka. Kasi yandi sukulaka kimbevo ya yandi ya wazi, mpe yandi vwandaka kuna na camp bilumbu sambwadi, beno zaba, samu na yandi . . . samu yandi vwandaka na yawu, samu na mvedolo, na kukivedisaka yandi mosi dyaka samu na lepre ya yandi. Nzambi belusaka yandi.

⁸¹ Kasi yina Yandi vwandaka meka na kunata bawu, vwandaka yayi, “Beno fwana zitisa yina mu ke sala.”

⁸² Mpe kana yina vwandaka nkadulu ya Nzambi na kilumbu yina, mpe Nzambi lenda soba ve, Nzambi zola ti beto zitisa yina Yandi ke na kusalaka. Yandi ke lombaka yawu. Yandi tubaka, “Beno zitisa yawu to kima yankaka ke salama.”

⁸³ Muntu mosi tubaka na munu kilumbu yina, yandi tubaka ti mu . . . Bakala ya mputu, ke kombula awa na zandu, samu na

kuzinga. Yandi vwandaka na kimbevo ya yintu, na mutindu ya yimbi mingi. Yandi kele Luthérien na nzila ya lukwikilu, mpe bawu kuzwaka kominyo. Yandi kele ya kulunga ve na kutambula na dibuundu, na yawu yandi bakaka taxi. Yandi tubaka ya lombaka yandi ba-cent makumi nana na kukwenda kuna mpe ba-cent makumi nana samu na kuvutuka. Mfinangani ya yandi, ya kukondwa busantu, monaka yandi kusambila Kisambu ya Mfumu na suka mosi, mpe sekaka yandi, sekaka yandi. Yandi tubaka na mfinangani yayi, yandi tubaka na bakala yayi, yandi tubaka, “Wapi kisika nge ke kwenda na taxi na suka yayi?”

Yandi tubaka, “Ya vwandaka kominyo. Mu kwendaka na dibuundu.”

Yandi tubaka, “Yinki kele kominyo?”

Yandi tubaka, “Ntangu beto ke baka dimpa mpe vinu.”

⁸⁴ Yandi tubaka, “Mu vwandaka na ya munu, mpe, na suka yayi na mesa, na kitini ya dimpa mpe mulangi ya wiski.” Beno me mona?

⁸⁵ Mu zaba bana-babakala tatu, na ntangu mosi, yika sekaka kominyo na kati ya dibuundu ya bawu, mu zaba bawu. Mpe bawu kwendaka na kivinga ya hôtél mpe bakaka mwa ba-sandwiche ya jambon mpe mulangi ya whisky, mpe bawu vwandaka na kominyo ya bawu kuna, ke seka kominyo yina bawu vwandaka na yawu na dibuundu ya Pantekote. Na nsi ya bangonda tatu na manima, nionso tatu vwandaka. . . mosi ya bawu kufwaka, mpe zole vwandaka na yinzo ya bilawu.

⁸⁶ Beno lenda ve kuvweza Nzambi! Beno fwana zitisa Nzambi. Kana beno ke kwikila yawu ve, beno vwanda kaka swi, beno vwanda ntama na yawu. To, to beno sala yawu, to beno kwisa na luzitu nionso mpe beno zitisa yawu. Kuseka bantu ve na kati ya Kimpeve. Kuzonzila ve na bantu yina ke sambilaka na Mpeve ya Nzambi. Beno bika bawu swi.

⁸⁷ Mu vwandaka ya kutelama kaka kuna na nsongi, mu vwandaka longa, mwa bamvula me luta, mutindu mulongi ya bakala. Mpe ya vwandaka na kento mosi kwisaka, yandi vwandaka Catholique na lukwikilu; kasi mu zabaka ti bakala ya yandi—ya yandi vwandaka Catholique, yandi vwandaka kima mosi ve. Mpe kento mosi ya kitoko, ya kitoko, ya kitoko, pene ya bamvula makumi zole, makumi zole na zole. Mu zabaka yandi mutindu mwana-kento awa na mbanza. Mpe yandi kwisaka mpe telemaka kuna, mpe yandi tubaka, “Mu ke bika ve ngombe ya munu ya kento kuvwanda na nsambulu yina William Branham ke na yawu.”

⁸⁸ Mpe nkokila yina landaka, ntete mu kuma na yandi, mu kuwaka ti yandi vwandaka kufwa na kati ya lupitalu, mpe bawu zaba ve kikuma ya lufwa ya yandi. Yandi vwanda kufwa kuna na lupitalu, mpe bakala ya yandi kwizaka baka munu. Yandi tubaka. . . Yandi vwandaka muntu ya Katolika. Mpe yandi

kwisaka, yandi tubaka, “Kwisa na nswalu nionso mpe tuba kisambu samu na kento ya munu, yandi vwandaka bokila nge mpimpa ya muvimba, yandi ke kufwa.”

⁸⁹ Mbote, mu tubaka, “Mu ke kwenda.” Mpe mu kotaka na ditoma mpe bikaka lukutakanu, mpe mu bandaka na lupitalu. Mpe mu kwendaka mbangu na bimatinu, mu kutanaka na infirmière, mpe yandi tubaka, “Yandi me kufwa yimeni.”

Mpe yandi tubaka, “Kwisa, tuba kisambu samu na yandi, na mutindu nionso.”

Mu tubaka, “Yandi me kufwa.”

Yandi tubaka, “Sambila, na mutindu nionso.”

“Ya ke sala bawu mbote ve ntangu yayi.”

Yandi tubaka, “Mbote, kwisa tala yandi.”

⁹⁰ Mpe mu kwendaka kuna. Yandi vwandaka na bansuki ya ndombe ya mbwaki, mu banza ti ba ke bokilaka yawu, bansuki ya auburn. Kento mosi ya kitoko mingi, mwa matona na kizizi ya yandi awa, na meso ya nene ya ntinta ya café. “Mpe kento yina,” infirmière yina tubaka, “Billy, yandi kufwaka na mpasi ya mutindu yina tii yandi bokaka na ngolo nkumbu ya nge mutindu yandi lendaka, mpe tubaka, ‘Tuba na yandi na kulemvokila munu,’ tii kuna batasi ya mbwaki basikaka na kizizi ya yandi mutindu ba-verrue.” Mpe na meso yayi ya nene basikaka na ngaanda ya bankongi ya yandi yina vwandaka ndambu ya kukanga. Ya kieleka, beno zaba yinki ke salamaka ntangu muntu mosi ke kufwaka, ba-reins ya bawu mpe misopo ke ninganaka, mpe yandi vwandaka kuna ke na kutoka na nzutu ya yandi. Mpe yandi kufwaka na kati ya mpasi ya mutindu yina samu. . . ve samu ti yandi zitisaka munu, kasi yandi zitisaka ve Nsangu ya mbote yina mu vwandaka longi, mpe ti Nzambi vwandaka sala bidimbu mpe mambu ya ngitukulu.

⁹¹ Mwa ntangu me luta na New Albany, na yina mu vwandaka ya kutelama kuna vwandaka zonga na musumuki, yina mu vwandaka twadisa yandi na Klisto, bakala mosi ya nene ya ngolo na maboko ya makalu ngolo na kati ya garage, bakala mosi vwandaka nkundi ya munu, bokilo ya yandi ya bakala kimaka mbangu na kielo ya garage yina landaka. Mu vwandaka ya kutelama kuna vwandaka longi na ngunga ya madia ya midi, mu vwanda kudya sandwich mpe vwanda zonga na yandi samu na Nzambi. Kilumbu ya muvimba mu monaka kisika mosi kisika mu lendaka kwenda na madia ya midi mpe kumeka kununga moyo mosi na Klisto. Yandi tubaka, “Tata Branham,” yandi tubaka. Mu vwandaka kaka mulongi ya bakala, munu mosi. Yandi tubaka, “Tata Branham,” yandi tubaka, “mama ya munu vwandaka na nsambulu ya mutindu yina, nsambulu yina ya kati-kati.” Mpe masa ya meso vwandaka kulumuka na matama ya yandi.

Mu tubaka, “Bilumbu yikwa yandi kwendaka?”

Yandi tubaka, “Bamvula. Yandi ke sambilaka ntangu nionso samu na munu.”

⁹² Mu tubaka, “Nzambi yina kuwaka bisambu ya yandi ke na kumeka na kupesa mvutu na yawu malu-malu yayi samu na yandi.”

⁹³ Mpe muntu yayi kotaka kuna, yandi tubaka, “Mbote.” Yandi vwandaka ya kukola malafu. Yandi tubaka, “Hé, Billy, widikila.” Yandi tubaka, “Konso ntangu yina nge zola kwisa kuna na garage ya munu,” yandi tubaka, “kwisa, kasi,” yandi tubaka, “kunata ve nsambulu yina ya ntama ya exalté kuna.”

⁹⁴ Mu balukaka mpe talaka yandi, mu tubaka, “Kisika nionso ba ke yamba Klisto ve, mu ke vwanda ve.”

⁹⁵ Mpe na yawu yandi balukaka mpe tubaka, “Ah, kwenda pene-pene ya nge mosi, mwana ya bakala!”

⁹⁶ Mpe mu kuwaka kaka na kati ya ntima ya munu, Ndinga mosi tubaka, “Nge ke buka yina nge kunaka. Ya ke vwanda mbote mingi samu na beno ti ba kanga ditadi ya nene na laka ya beno, mpe kulosa yawu na yisi ya mubu.” Mpe bokilo ya yandi mosi, kaka na manima ya midi mosi yina, mataka na zulu ya yandi na kaminio ya Chevrolet ya ba-tonne zole ya kufulukuka na bima, mpe ba dyataka yandi na kati ya ntoto.

⁹⁷ Beno me mona, beno fwana zitisa Nzambi. Beno fwana sala, beno . . . Nzambi ke lombaka luzitu, mpe Yandi ke lombaka yawu.

⁹⁸ Mpe na yawu Miryam zolaka zaba ya kulutula mbote. Mutindu mosi Mo- . . . Aaron zolaka zaba ya kulutula mbote, na kuzabaka yayi, ti Moise twadisamaka na Mpeve ya Nzambi na kusala yina yandi zolaka sala.

⁹⁹ Mulongi ya Baptiste sonikilaka munu mukanda mwa bilumbu me luta, kubanda awa. Oh, yinki nsembolo yandi salaka munu! Yandi tubaka, “Muntu yina kele ya koyi-koyi mutindu beno kele! Ministere yina ke vwanda mutindu mosi na Elie, baprofete,” yandi tubaka, “mpe kuna kumona nge ya kuvwanda na yinzo, ke sala kima mosi ve!”

¹⁰⁰ Na yawu Billy ke na kusalaka mutindu secretaire na ntangu yina, yandi sonikaka yandi mukanda mosi. Mpe na yina yandi banzaka, “Mbote, mu banza ti mu ke pesa yandi mvutu,” yandi tubaka. Kasi yandi banzaka ti yandi ke sala mbote na kubika munu kutanga yawu na ntwala yandi vutula yawu. Kasi ya vwandaka na mayele mingi na kati ya yawu. Yandi tubaka, “Ntangu yayi, yayi kele ve papa ya munu, yayi kele munu.” Yandi tubaka, “Nge tubaka kaka ti papa vwandaka na ministele mutindu yina ya Elie.” Mpe yandi tubaka, “Nge tubaka ti yandi me vwanda na lweka ya masa kisika mosi kuna, na yinti ya kilobi na diboko ya yandi, to kuna na zulu ya myongo, na munduki

na diboko ya yandi.” Yandi tubaka, “Yinki nge ke tuba samu na Elie ntangu yandi vwandaka na bamvula tatu na lweka ya mwa masa?” Yandi tubaka, “Nge zaba ve ti ba me twadisama na Mpeve ya Nzambi samu na kusala yina bawu ke sala?” Beno me mona, muntu nyonso zola kutina yawu mutindu ya bawu mosi. Kasi muntu fwana twadisama na Mpeve ya Nzambi, mpe beno fwana pesa yawu luzitu. Kaka yina.

¹⁰¹ Awa kilumbu yankaka yina, moyo ya ntalu, awa na mbanza, monaka mpangi ya bakala yankaka, yandi tubaka, “Wapi Bill?”

Yandi tubaka, “Yandi me kwenda na Canada.”

Yandi tubaka, “Mu banza na kuzomba?”

Yandi tubaka, “Yinga, yandi ke kwenda zomba.”

Yandi tubaka, “Ah, buzoba na kima ya mutindu yina!”

¹⁰² Mbote mingi, muntu yina, na kuzabaka ve ti mu vwandaka na yisi ya ngolo ya Mpeve-Santu, na nzila ya vision ya MUTINDU ME TUBA MFUMU, na kukwenda. Yinki beno ke sala na Kilumbu ya Lufundusu? Wapi mbote ya ke sala, na munu ke kwenda na lweka ya mbeto ya muntu yina mpe ke sambila samu na yandi? Kisika ya ntete, yandi ke kwikila munu ve. Mpe bantu, ntangu bawu ke kwisa mpe ke tuba bima yayi, mutindu mu zaba ve ti bawu ke kwikilaka Yawu ve. Ata ti ba ke bula beno mbata na manima mpe ba ke bokila beno “mpangi ya bakala,” kasi beno zaba ti ba ke kwikilaka Yawu ve. Beno me mona? Bawu ke kwikilaka Yawu ve. Mpe beno lenda . . . Kima mosi ve beno lenda sala samu na bawu. Ba ke bokila nge, “kwisa sambila,” kasi ya ke sala ata mbote ve. Samu ti, beno me mona, bawu ke bakula Yawu ve. Beno fwana kwikila Yawu. Beno tala mbote bayina kele na yawu, beno kwikila ya kieleka mpe beno tala yina ke salama. Beno me mona, beno fwana zitisa Yawu.

¹⁰³ Jézabel, na bilumbu ya Elie, mutindu yandi ke bakula Elie! Mutindu yandi . . . Elie vwandaka kieleka pasteur ya yandi. Kieleka. Oh, yandi zolaka ve kuyamba yawu. Bumbote, ve! Yandi vwandaka—yandi vwandaka muntu yina ke kwikilaka Nzambi ve, to muntu ya kukwikama ve, to—to musambidi ya biteki. Mpe yandi vwandaka na banganga-Nzambi ya yandi mosi ya mimpani. Kasi Elie vwandaka pasteur ya yandi, Nzambi fidisaka yandi kuna samu na kuvwanda pasteur. Yandi vwandaka pasteur kana . . . Kana yandi nganina yandi mpe tuba na yandi masumu ya yandi nionso, kasi yandi vwandaka pasteur ya yandi. Yandi zolaka ve kundima yawu ata fyoti ve, kasi, mpe yandi nataka yandi na ngaanda. Yandi yinaka yandi! Kieleka, yandi kuzwaka. Mpe yinki salamaka na yandi? Nzambi bikaka bayimbwa kudia yandi na bala-bala. Ya kieleka. Samu na yinki? Yandi nataka Nzangu yina Elie vwandaka longa.

¹⁰⁴ Nzambi ke lombaka luzitu. Beno fwana vwanda na yawu. Beno ke kuzwa kima mosi na Nzambi, beno ke zitisa Nzambi.

Mpe beno fwana sala yawu na ntima ya beno, na kati ya ntima ya beno. Beno fwana sala yawu.

¹⁰⁵ Kasi yandi kukondwa luzitu na Nzambi mutindu yandi kukondwaka luzitu na profete ya Yandi. Ntangu yayi, yandi zabaka ti Elie vwandaka profete. Ba vwandaka ve na kima mosi na Israel yina lendaka kufwanana na Elie. Na yina, ba-vision ya yandi mpe bima nionso vwandaka ya kulunga na ntwala ya Nzambi. Mpe yandi, kasi yandi fundisaka bawu. Kyadi, yinga! Yandi ke landila konso denomination, nyonso yankaka. Mpe nyonso yina ba ke bokilaka disumu, yandi ke fundisa yawu, na yina me luta fioti na ya kulutila nene, ntinu mpe nionso yankaka, yandi katulaka ve muntu mosi na kati ya bawu. Kasi bawu zolaka zaba ti yandi vwandaka profete. Bawu zolaka kaka ve na kuzaba yawu. Yinga, tata.

¹⁰⁶ Ata mpe Achab mekaka na kufunda yandi. Mpe yandi sambilaka Nzambi na kutinda kuyuma. Yinga, yandi salaka yawu. Mpe yandi tubaka, “Mu kele na ngolo mpe mu ke kanga mazulu; mvula ke kubwa ve, to kinoko ke kubwa ve, tii mu ke bokila yawu ve.”

¹⁰⁷ Beno lendaka banza ti mwa Jézabel yina na kizizi yina ya kupakula, na kubulaka dikulu na ntoto na kitambi ya ngolo, “Kiboba yayi ya luvunu! Kiboba yayi ya luvunu, ke salaka ti bana yayi nionso ya fioti awa kutala mpasi,” mpe nionso ya mutindu yina. Elie vwandaka meka na kuvutula bawu na Nzambi, na kumekaka na kununga yinsi mosi kuna na Nzambi. Beno me mona? Mpe ya monanaka mutindu. . . Yandi lendaka tuba na bantu, “Nge zola tuba na munu ti nge ke kwikila na bakala ya mutindu yina, yina ke kanga bayinsi mutindu yayi, mpe mvula to kinoko ve? Mpe luvunu ya yandi nionso to kindoki ya yandi kuna,” nionso yina yandi zolaka bokila yawu. “Mpe yandi kele kima yankaka ve kasi kaka ndoki to nganga-nkisi, to kima mosi. Yandi kele ya kukanga mazulu mpe mvula ke noka ve, ke sala ti bantu yayi nionso kumona mpasi. Mpe beno ke tuba na yina ya kele luzolo ya Nzambi?”

¹⁰⁸ Ya vwandaka luzolo ya Nzambi! Ya lenda vwanda nyonso yina, beno me mona, beno fwana tala yina. . . Beno fwana zitisa Nzambi ata mutindu nyonso yina Yandi ke sala. Yandi zaba yina Yandi ke na kusalaka. Yina vwandaka pesa mpasi, bana vwandaka kubela, bantu vwandaka kubela, bibulu vwandaka kufwa, mameme vwandaka kufwa, masa vwandaka ve kisika mosi kuna, bampimpa vwandaka tiya mpe ndungutila, mwini vwandaka na ntinta ya kisengo na kati ya kilumbu, bamvula tatu mpe bangonda sambanu. Mpe Elie yina me vwanda na zulu ya mongo, tubaka, “Ata kinoko ke kubwa ve kana mu bokila yawu ve.” Ya kele kieleka. Oh, mutindu bawu yinaka yandi!

¹⁰⁹ Mpe ntangu yandi, Achab, monaka yandi, yandi tubaka, “Nge kele yina ke na kutalisa Israel mpasi, mutindu yina?”

¹¹⁰ Kiboba ya Elie talaka na manima na kizizi ya yandi, yandi tubaka, “Ve, munu ve, kasi nge kele yina ke na kutalisa mpasi ya Israel.” Ya kele kieleka. Beno me mona, mpe Achab vwandaka ve na luzitu samu na yandi. Mpe beno zaba yina Elie tubaka na Achab, yandi tubaka, “Samu ti nge basisaka menga ya Naboth, na yawu bayimbwa ke lekita menga ya nge, mpe, na bala-bala.” Mpe bawu salaka yawu! Samu ti bawu vwandaka bakula ve munati-nsangu ya Nzambi. Ya kele kaka kieleka. Bawu vwandaka bakula yawu.

Ntangu yayi, Miriam kondwaka yawu luzitu. Aaron kondwaka yawu luzitu.

¹¹¹ Ata nani beno kele, Muklisto to Muklisto ve, beno fwana dyaka kunata luzitu na Nzambi, mpe kuzitisa yina Yandi ke na kusalaka, to kuvibidila bampasi. Ya kele kuyamba yawu to kukwenda na lufundusu, to yayi to yina beno zola.

¹¹² Mutindu mu lendaka telama na kimbangi, samu na ngunga na manima ya ngunga, na yina mu me mona na luzingu ya munu ya muvimba, yina mu me mona na bayinsi yankaka mpe bitini yankaka ya bayinsi, mpe nyonso yina, bima yina me salama. Kasi kubika yawu, kaka samu ti beno kuzwa dibanza ya yina mu ke na kumeka na kutuba na beno, beno fwana zitisa yawu. Mu me monaka bantwenya ya kuvwanda na kati ya lukutakanu, mpe ke seka mpe ke vweza na kati ya lukutakanu, mpe, na kutala na yisi ya bangunga makumi zole na yiya, ba ke diata bawu kuna na babala-bala. Mu me monaka bantwenya ya bantu kuvwanda na lukutakanu, na mvula mosi ntangu mu vwandaka na kisika mosi, mpe yina landaka, mu banza na bangonda sambanu, kuvutuka na kisika mosi, mpe na kutala mosi na mosi ya bawu vwandaka me kwenda, to yina kufwaka, yina me kubwaka kisika mosi, na bimbevo mpe nyonso. Ya kele kieleka. Beno fwana zitisa yawu.

¹¹³ Mu ke bambuka moyo na mwana-kento mosi ya ntwenia na nkokila mosi, na Tennessee, ntangu mu vwandaka basika na kielo, mu vwandaka longa na dibuundu ya nene ya ba-Baptiste, mu vwandaka basika na kielo. Mpe mu kuwaka lutwadusu na nkokila yina samu na kubokila yandi na kukwisa na Klisto. Mbote, yandi sekaka munu ntangu mu bokilaka yandi na kukwisa na Klisto. Yandi na kutala vwandaka mosi ya bana ya bakento ya diacre. Mpe yandi telemaka na kielo na nkokila yina, yandi vingilaka munu. Mpe mu basikaka, yandi tubaka, “Mu zola ti nge zaba kima mosi na ntangu yayi, yangisa munu diaka ve mutindu yina.”

Mu tubaka, “Nzambi vwandaka bokila nge.”

¹¹⁴ Yandi tubaka, “Buzoba! Mu kele ntwenya,” yandi tubaka, “Mu kele na ntangu mingi samu na yawu.” Yandi tubaka, “Papa ya munu kele na nsambulu mingi samu na beto nionso na yinzo.”

¹¹⁵ Mu tubaka, “Mingi ve samu na nge, mpangi-kento, muntu nyonso fwana kuzwa nsambulu ya bawu mosi.”

116 Yandi tubaka, “Kana mu zola muntu kuzonza na munu samu na yawu, Mu ke kuzwa muntu yina kele na sense mosi, muntu mosi ve mutindu nge.”

117 Mu tubaka, “Kwenda, tuba yina nge zola. Nge ke kwamisa munu ve, kasi kilumbu nge ke sungika yawu ve.”

118 Ntama mingi ve na manima ya yawu, mu lutaka na mbanza mosi. Awa yandi kwisaka kuna na bala-bala kukondwa luzitu na jupon ya yandi yina vwandaka ke leluka, na dikaya na diboko ya yandi, yandi pesaka munu wisiki samu ti munu kunwa. Kima mutindu mosi! Mpe awa kele kimbangi ya yandi, yandi tubaka, “Nge ke bambuka moyo na nkokila yina nge bokilaka kuna?” Yandi tubaka, “Ya vwandaka kieleka.” Yandi tubaka, “Mpeve ya Nzambi vwandaka pesa kimbangi na munu na nkokila yina, vwandaka meka na kunata munu na kukwiza.” Mpe yandi tubaka, “Kubanda kuna mu lendaka mona moyo ya mama ya munu ke vukana na difelo mutindu crêpe, mpe kuseka yawu.” Yawu yina salamaka, beno me mona.

119 Beno fwana zitisa Nzambi. Kaka yina. Beno fwana sala yawu, mpangi ya bakala. Yimeni. Jézabel kondwaka yawu luzitu.

120 Mpe beno bambuka moyo na ntangu yankaka, ya vwandaka na bana ya kukondwa luzitu, ba zangulaka bawu na yinzo.

121 Elie, na manima ya bilumbu ya yandi, ya kieleka, bantu yinaka yandi samu ti yandi bokilaka nzala yina na yinsi. Ya vwandaka na bantu yankaka yina longaka bana ya bawu ti “Elie, muntu mutindu yina,” ba zangulaka yandi mpe bakaka yandi na Mazulu. “Yandi kufwaka kisika mosi, mpe bawu zikaka yandi kaka mpe bumbaka yandi.” Bawu—bawu kwikilaka yawu ve.

122 Na yawu Élisée bakaka kisika ya yandi, ntangu yayi yandi vwandaka munati-nsangu ya kilumbu ntangu yayi na manima ba zangulaka Elie. Na yawu yandi lutaka na mbanza mosi, mpe bana, bana ya fyoti ya mbanza yina, basikaka, kuseka yandi, tubaka, “Tuba, nge kiboba ya dibandi, samu na yinki nge kwendaka ve mutindu Elie salaka?” Beno me mona, bawu kwikilaka ve ti Elie kwendaka na zulu. Yawu yina. Ya vwandaka ve kukondwa luzitu na muntu; ya vwandaka kukondwa luzitu na Nsangu ya yandi. Yandi vwandaka kilandi ya Elisée. . . ya Elie. Yandi vwandaka na kupakulama, mpeve ya Elie vwandaka na zulu ya yandi. Yandi kwendaka kuna mpe salaka bima kaka mosi yina Elie salaka. Alleluia!

123 Yesu tubaka, “Yandi yina ke kwikila na Munu, yandi mpe ke sala bisalu yina Mu ke sala.” Yinga. “Bidimbu yayi ke landa bayina ke kwikila.”

124 Bawu kondwaka yawu luzitu. Mpe bawu nataka Elie samu yandi kwikilaka na Elisée, samu Mpeve vwandaka na zulu ya yandi. Mpe yandi balukaka mpe bulaka Jourdain na kazaka ya yandi, mpe zibulaka Jourdain, kwendaka mpe salaka mutindu mosi ya bimangu yina Elie salaka. Mpe ata mpe milongi nyonso

kuna na lukolo ya baprofete, tubaka, “Mpeve ya Elie kele na zulu ya Elisée,” makelele kwendaka na kati ya yinsi.

¹²⁵ Mpe bantu, mu me zenga ndefi ti ba sekaka mosi na yankaka, ba tubaka, “Hé, hé, tala yawu!” Bawu ke tuba, “Nkongga yina ya ba-exalté, ya fanatiki, ke tuba, ‘Muntu yina kwendaka na Mazulu kukondwa kufwa, bampunda kulumukaka.’ Beto monaka kima mosi ve.” Kieleka bawu salaka yawu ve. Kieleka ve, bawu salaka yawu ve. “Beto monaka ve bampunda. Beto kuwaka ve bapusu kisika mosi. Buzoba! Kiboba yayi kufwaka mpe ba zikaka yandi, mpe na yina ba ke meka na kusala mingi ya kusala na zulu ya yawu.”

Kaka mutindu bawu ke tuba bubu yayi, kima mutindu mosi!

¹²⁶ Mutindu bawu tubaka samu na Yesu, bawu tubaka, “Kasi, bawu kwizaka mpe yibaka Nzutu ya Yandi na ntangu ya mpimpa.” Bawu futaka mpe basoda samu na kupesa kimbangi na yawu. Kasi Yandi vumbukaka na lufwa!

¹²⁷ Mpe ba zangulaka Elie na kipusu ya tiya, na bampunda ya tiya.

¹²⁸ Mpe ntangu profete yayi ya ntwenya kwendaka kuna, na kutambulaka kuna na kati ya mbanza. Mpe yandi zimbisaka bansuki ya yandi, mutindu ntwenya ya bakala. Yandi vwandaka kwenda kuna, na yina bana yayi ya fioti kwendaka mbangu na manima ya yandi, yandi tubaka, “Hé, samu na yinki nge kwendaka ve na Elie?” Bawu tubaka, “Nge kiboba ya dibandi, nge!” Beno me mona? Mpe ba vwandaka pesa mpasi. Mpe yinki Elie salaka? Yandi balukaka, na ngolo ya Mpeve, mpe singaka bana yina. Yinki salamaka? Ba-ulusu zole me katuka na mfinda mpe me kufwa makumi yiya na zole ya bawu. Kieleka. Ba-kukondwa luzitu, kukondwa buzitu. Beno lenda sala yawu ve. Beno fwana zitisa Nzambi.

¹²⁹ Kana mosi ya bawu bana tubaka . . . Ntangu yayi, kana tata ya bawu mpe mama ya bawu tubaka, “Ntangu yayi, beno tala, bana, ba ke tuba ti ba zangulaka Elie. Ntangu yayi, beto zaba yawu ve, kasi, na mutindu nyonso, mu—mu—mu zaba ve kana ya kele mutindu yina to ve, kasi mu ke tuba na beno kima ya kulutula mbote na kusala kele kutuba kaka kima mosi ve samu na yawu. Beno kwenda kaka na ntwala. Ntangu yandi ke luta . . . Beto ke kuwa ti yandi ke kulumuka na mbanza bubu yayi, yandi ke vwanda na lukutakanu ya bala-bala kuna. Kana yandi sala yawu, kana beno bana, beno kwenda na lukolo bubu yayi, beno kutana na yandi, beno tuba kaka, ‘Wapi faso, révérend? Wapi faso, tata?’ To kima mutindu yina. Tuba na yandi.”

¹³⁰ Kasi na kisika ya yawu, kukondwa ntembe ba tubaka na bawu na yinzo. Oh, bawu kuwaka papa mpe mama vwanda na mesa mpe vwanda seka, mosi na yankaka, na kutubaka, “Yinki beno zaba! Ba tubaka ti exalté yina ya ntama kusalamaka. Beno me kwikilaka ntete kima mutindu yina? Mpe bawu tubaka ti

mwa muntu yayi ya dibandi, kaka na dibandi mutindu citrouillet kuna, yandi kele ve pene ya bamvula makumi tatu na tanu, mpe awa yandi ke na kwiza kuna, mpe yandi tubaka ti yandi ke vwanda na lukutakanu ya bala-bala, yandi ke vingila ti beto kwikila buzoba ya mutindu yina. Na yina, yandi kele kima yankaka ve kasi mwa . . . kaka kuseka. Yawu yina kaka. Samu, yandi ke kwisa ve na mabuundu ya beto, Yandi kele kaka mutindu Elie vwanaka, yandi ke kwiza ve na mabuundu ya beto. Beto ke, yandi ke . . . Ya kele kaka mwa kindoki, samu ti ba losa yandi, yandi ke tuba mambu ya luvunu, mutindu Elie.” Bawu kwikilaka yandi ve. Na yawu, ba longaka bana ya fyoti na yinzo yango.

¹³¹ Kana ba zolaka longa bawu buzitu mpe luzitu, bawu zolaka kwenda kuna na ntwala ya profete yina ya Nzambi mpe lombaka kisambu samu na bawu mosi.

¹³² Kasi ba longaka bawu na kuseka mpe kuvweza, mpe kusawula. Mutindu bana ya bubu yayi, ba- . . . mingi ya bawu bubu yayi ke seka lukutakanu ya bala-bala, bawu ke seka malongi ya Nsangu ya mbote.

¹³³ Na yawu, Elie singaka bawu, na Nkumbu ya Mfumu. Ve samu na bana, kasi samu na bibuti ya kukondwa buzitu yina nataka bana mutindu yina, samu na kukondwa luzitu na Nzambi. Baulusu zole me basika mpe me kufwa makumi yiya na zole ya bawu. Ntangu yayi, yina kele kukondwa buzitu. Nzambi ke lombaka luzitu! Ntangu bawu kondwaka luzitu na profete ya Yandi, bawu kondwaka Yandi luzitu; ya lenda vwanda mutindu bawu kwikilaka ve, bawu zolaka kanga yinwa ya bawu, kubikana ntama na yawu. Kasi, ve, ba zolaka tula luvalu ya mbongo ya bawu. Ba zolaka tuba kima mosi yina ba zolaka tuba ve. Mpe yinki salamaka na bawu?

¹³⁴ Beto baka bantu yina vwanaka zitisa yawu. Beto baka kento ya Sunamite, na profete mosi, Elie. Yandi vwanaka Israélite ve. Yandi vwanaka ya Sunamite, kasi yandi kwikilaka na Nzambi. Mpe yandi monaka bakala yayi kuluta na kati ya mbanza, yandi kuwaka yandi kutuba, yandi monaka bidimbu yina yandi salaka.

¹³⁵ Ba me tuba yawu na disolo, mu zaba ve kana ya kele kieleka to ve, ti kilumbu mosi nkonga ya bayimbwa ya mfinda vwanaka meka na kukanga ntwenya ya mwana-kento. Ntangu yayi, yayi kele ve Masonuku, ya kele kaka disolo yina mu tangaka. Mpe yandi tubaka ti kento ya Sunamite vwanaka ya kutelama na nsongi, mpe yandi monaka ti bayimbwa yayi zolaka kufwa ntwenya ya mwana-kento yayi. Mpe bakala yayi ya santu vwanaka luta na kati ya mbanza, mpe yandi telemisaka nkawa ya yandi na Nzambi, mpe bokaka samu na kyadi samu na bana ya fyoti ya mutindu yina, mpe bayimbwa balukaka mpe kwendaka

ntama na bawu. Ata ti ya vwandaka mutindu yina to ve, ya ke wakana mutindu ya lendaka vwanda, mu zaba ve.

¹³⁶ Kasi, na mutindu nyonso, kento yayi tubaka, ntangu Biblia, ntangu yandi “zabaka ti yayi vwandaka muntu ya santu.” Yandi zabaka ti kima mosi salamaka. Yandi monaka yina yandi vwandaka, mpe “yandi zabaka ti yandi vwandaka muntu ya santu na Nzambi.” Mpe, na kisika ya kutalisa yandi mutindu Jézabel salaka, yandi zitisaka yandi. Yandi tubaka na bakala ya yandi, “Beto kele na lenda ya kusala yayi. Mu ke sambila nge, beto tunga yandi mwa yinzo mosi awa kisika mosi kuna. Beto pesa yandi mwa kisika mosi, samu yandi me lemba. Mu me tala yandi mbote. Yandi ke na kununa, mpe mu me tala nsuki ya yandi ya mpembe mutindu ya vwandaka ya kubwa na mandefo ya yandi. Mwa nkawa ya yandi ya ntama, mwa maboko ya yandi ya kukonda mutindu yandi vwandaka tambula kuna, mwa nsuni ya maboko ya kulemba mutindu yina. Mpe awa yandi me kwiza, me nata mwa diyuki ya mafuta na lweka ya yandi, na kitini ya mpusu ya dimeme ya kufuka na zulu ya yandi, na kati ya mwini ya ngolo, nzutu ya yandi talaka ya kunyenga mpe ya mbwaki. Mpe mu ke sambila nge, beto sala yandi mwa station, samu na kusukisa awa. Beto baka kontra mpe beto kwiza awa mpe beto tunga yandi mwa kisika, mpe tulaka yandi na zulu, samu mu ke mona ti mpeve ya yandi, na nzila ya mpeve ya yandi, yandi kele muntu ya santu. Yandi kele muntu ya Nzambi.” Oh, oh, wapi luswaswanu!

¹³⁷ Ntangu yayi, bakala ya yandi ndimaka, yandi . . . yandi lendaka tuba, “Cherie, mu me mona bakala yina, mpe. Mu kuwaka yandi, mu talaka yandi mbote, mu me monaka bisalu ya yandi. Mu zaba ti yandi kele muntu ya santu ya Nzambi. Na yina beto ke sala kaka yawu.” Na yina ba bokilaka kontra mpe tungaka yandi mwa kisika mosi ya mbote, mpe tulaka yandi mwa mbeto kuna samu na kupema, na yina yandi lendaka lala mpe kupema. Ba yidikaka kisika mosi samu na kusukula makulu ya yandi, bawu kuzwaka mwa masa mpe bima, mpe yidikaka yawu kuna na kati.

¹³⁸ Mpe ntangu profete kwisaka, ya kieleka, yina sakumunaka moyo ya yandi, samu na kumona ti kima mosi me salama samu na yandi. Yandi tubaka na Guéhazi, “Kwenda, bokila yandi, mpe lomba yandi yina mu lendaka sala samu na yandi, mu lendaka ‘tuba na ntinu, na kapitene ya mfumu?’” Yandi . . .

¹³⁹ Yandi tubaka, “Mu ke zingaka na kati-kati ya bantu ya munu, mpe ya kele ve na kima yina mu kele na yawu nsatu.”

¹⁴⁰ Kasi Guéhazi tubaka, “Yandi ke na bana ve. Mpe bakala ya yandi me kuma mbote na bamvula, yandi me kuma kiboba. Ba ke na bana ve.”

¹⁴¹ Mpe mu ke banza, Elie vwandaka ya kulala kuna na zulu ya mwa mbeto yayi, ti yandi sakumunaka yandi na kusalaka,

yandi vwandaka na makulu ya yandi nyonso ya kusukula, mpe mandefo ya yandi nyonso ya kusukula, mpe bima, ya kuvwanda kuna, na ntembe ve ti yina yandi monaka vision ya Mfumu (samu ti, bawu ntangu nyonso ke salaka yawu). Na yina yandi tubaka, “Kwenda, bokila yandi, mpe tuba na yandi na kutelama awa na ntuala ya munu.” Oh, la la! “Kwenda, bokila yandi, samu ti yandi me—yandi me zitisa Nzambi. Kwenda, tuba na yandi na kukwiza awa.”

¹⁴² Ntangu yandi telemaka na kielo, yandi tubaka, “MUTINDU ME TUBA MFUMU. Pene ya ntangu yayi, mvula ke kwisa, nge ke buta bébé.” Mpe pene-pene ya ntangu yina, mvula vwandaka kwisa, yandi vwandaka na bébé.

¹⁴³ Na yina Satana, ntangu yandi kumaka pene ya bamvula kumi na zole, tata ya yandi basisaka yandi na bilanga kilumbu mosi, mpe Satana tubaka, “Mu ke basika na mwana yina,” na yina yandi pesaka yandi mpasi ya mwini. Mpe yandi kufwaka na maboko ya mama ya yandi.

¹⁴⁴ Ya lembisaka yandi? Ve, tata. Yandi tubaka, “Kanga mpunda. Mpe kwenda na ntuala, kusutope ve. Mata na Mongo Carmel, na mongo, samu ti yandi lutaka kaka awa kilumbu yankaka yina.” Oh, oh! Oh, oh! Oh, oh! La la! Beno bawu yayi. Ya kele luzitu. Ya kele luzitu.

¹⁴⁵ Mpe bakala ya yandi tubaka, “Nge ke kwenda na muntu ya Nzambi.” Yandi tubaka, “Ya kele ve ngonda ya malu-malu to saba, yandi ke vwanda ve kuna na ya yandi . . .”

¹⁴⁶ Yandi tubaka, “Nyonso ke vwanda mbote, kanga kaka mpunda mpe bika mu landila.” Mpe na yawu bawu kwendaka.

¹⁴⁷ Mpe bawu mataka na mongo. Mpe ntangu kiboba Elie talaka kuna na caverne, mpe yandi kwisaka kuna mpe talaka na ngaanda, yandi tubaka, “Yayi ke monana mutindu kento ya Sunamite yina ke kwisa.” Yandi tubaka, “Ba fwana niongisa yandi.” Yandi tubaka, “Kwenda, kutana na yandi. Mpe, ntangu,” yandi tubaka, “yandi me niongisa yandi na ntima ya yandi, mpe Nzambi me tubaka na munu kima mosi ve samu na yawu.”

¹⁴⁸ Beno me mona, Nzambi fwana tuba na beno nyonso ve, beno me mona, na yawu Yandi ke tubaka ve na baprofete ya Yandi nyonso. Yandi ke salaka kaka—Yandi ke salaka kaka yina Yandi zola kusala, Yandi kele Nzambi.

¹⁴⁹ Na yawu yandi . . . Ntangu yayi, Elie tubaka, “Nzambi!” Yinki kana Elie tubaka mutindu yayi, “Samu na yinki Nge tubaka na munu ve samu na yinki yandi ke kwisa? Samu na yinki Nge tubaka na munu nionso ve samu na yawu?” Yandi zolaka mona ata fioti ve kima mosi. Kasi ya vwandaka nyonso ya kulunga na Elie, nyonso yina ya vwandaka.

¹⁵⁰ Mpe yinki kana yandi zolaka kwiza mpe kutuba, yandi zolaka tuba, “Nge tubaka ti nge vwandaka kisadi ya Nzambi?”

Nge muntu ya luvunu! Mu ke kwikila ti nge kele kima yankaka ve kasi exalté”? Ya zolaka salama ata fioti ve. Beno me mona? Nzambi ke mekaka beto bantangu yankaka, beno me mona yina beto ke sala.

¹⁵¹ Na yawu, na kisika ya yina, yandi kwendaka mbala mosi na makulu ya yandi mpe sambilaka, mutindu yandi vwandaka na Nzambi. Mpe yandi tubaka, mpe yandi monisaka na yandi yina vwandaka dyambu. Mpe Elie tubaka, “Baka nkawa ya munu mpe kwenda tula yawu na zulu ya mwana.”

¹⁵² Mpe ntangu yandi salaka yawu, kento tubaka, “Mutindu Mfumu Nzambi kele moyo, mpe moyo ya nge ke kufwaka ata mbala mosi ve,” oh, la la, “nge kisadi ya Nzambi, mu ke bika nge ve. Mu ke vwanda awa tii Nzambi ke fidisa vision.” Kiboba ya Elie vwandaka kuna mwa ntangu fioti diaka; yandi kangaka luketo ya yandi, mpe bakaka nkawa ya yandi mpe yandi kwendaka.

¹⁵³ Yandi kotaka na kivinga kisika bébé yina vwandaka ya kulala, bébé ya kufwa. Yandi tambulaka fioti na kati ya kivinga, mutindu yina, mwa bantangu fioti. Samu na kento ya buzitu, kento yina zitisaka yandi, bakala yina zitisaka yandi, mpe kwikilaka yandi na kuvwanda bakala ya Nzambi, yandi tambulaka kuna na ntwala mpe na manima bisika nionso tii kuna Nzambi pesaka mvutu. Amen. Na yina yandi lalaka yandi mosi na zulu ya bébé yango mpe yandi bulaka masasi bambala sambwadi, mpe bakaka yandi mpe pesaka yandi na mama. Yandi kwendaka kuna, yandi vutukaka na caverne yina yandi kwendaka. Samu yandi zitisaka muntu ya Nzambi! Amen. Nzambi ke lombaka luzitu.

¹⁵⁴ Yinki samu na Marthe? Yandi vwandaka banza ntangu nionso samu na kukubika Yesu madia ya midi ya mbote. Marie zolaka kuwa Ndinga ya Nzambi, na yina yandi vwandaka kaka mpe kuwaka Yandi. Yandi talaka ve ti lele ya oreiller sobaka, to kana ba-rido kumaka putulu, to kana bawu vwandaka na kima ya kudyu to ve, yandi zolaka kaka kuwa yina Yesu zolaka kutuba. Kasi Marthe vwandaka zola ntangu nionso kulambila Yandi madia ya mbote ya midi, mpe kundima ya kieleka ti kiti vwandaka ya kuyidika mbote-mbote mpe ba tulaka yawu na kisika ya mbote, mpe bima nyonso vwandaka bunkete mutindu yina. Kasi yandi zolaka Yandi, kusala kima mosi samu na Yesu na mutindu ya yandi, mpe Marie zolaka kusala yawu na mutindu ya yandi. Kasi kilumbu mosi ntangu Lazare kwisaka . . . Bantu mingi ke solula na Marthe, yandi tubaka ti yandi zolaka sepela mingi. Oh, ve, kaka mwa ntangu fioti. Beno me mona, ya kwisaka na ntangu mosi samu na Marthe na kutalisa na yandi. Mpe na yina ntangu Yesu . . . Ntangu Lazare kufwaka, mpangi ya yandi ya bakala, yandi fidisaka samu na Yandi na kwiza sambila samu na yandi. Yandi kwisaka ve. Yandi kipaka lubokilu ve, Yandi

kwendaka kisika yankaka. Yandi fidisaka diaka, mpe yandi kipaka ve lubokilu.

¹⁵⁵ Kasi ntangu na nsuka Yandi kwisaka, ya monanaka ti yandi lendaka kwenda na Yandi mpe tubaka, “Samu na yinki Nge kwisaka ve? Samu na yinki Nge kwisaka ve ntangu mu bokilaka Nge? Mpangi ya munu ya bakala vwandaka kuna, ya kubela. Beto me bika dibuundu ya beto, beto me bika organisation ya beto, beto me sala nionso samu na kulanda Nsangu ya Nge, samu beto kwikilaka ti Nge vwandaka Muntu ya Nzambi. Kasi wapi mutindu Muntu ya Nzambi. . . Mpe beto zole bana ya nsiona, beto zole bana ya nsiona awa, bansiona tatu, mpe madia ya beto vwandaka kwisa na kusalu ya ba-tapisserie samu na tempelo yina. Beto vwandaka bamambeke kuna, mama ya beto mpe tata ya beto vwandaka bamambeke kuna. Kasi samu ti Nge me tula beto na kima mosi, samu na kukwikila na Yayi, yina Nge ke na kumeka na kulonga, na kutubaka ti Nge kele Mwana ya Nzambi mpe Profete yina Nzambi fidisaka, mpe bima yayi, wapi mutindu beto lenda kwikila Nge, Muntu yina ke kuwa munu ve ntangu mu ke bokila Nge? Ntangu mu vwandaka na nsatu mpe mu vwandaka na nsatu ya Nge, Nge me zaba nsangu ya munu ve mpe me landila. Mpe mu fidisaka diaka, mpe Nge me zaba yawu kaka ve. Samu na yinki Nge salaka kima mutindu yina?” Kana yandi salaka yawu, disolo zolaka vwanda luswaswanu nkokila yayi.

¹⁵⁶ Yinki yandi salaka? Yandi kwendaka mbala mosi na kisika yina Yandi vwandaka, kulumukaka na makulu ya Yandi mpe tubaka, “Mfumumu, kana Nge vwandaka awa, mpangi ya munu ya bakala zolaka kufwa ve.” Oh, beno bawu yayi. Yinki yandi vwandaka sala? Yandi vwandaka zitisa. Yandi vwandaka na Mvwandulu ya Nzambi, mpe yandi zitisaka Yandi. Yandi bokilaka Yandi Mfumumu ya yandi. “Mfumumu, kana Nge vwandaka awa.” (Ve, “Mu fidisaka samu na Nge!” Nyonso yina ba zimbanaka.) “Ntangu yayi Nge kele awa, beno me mona. Kana Nge zolaka vwanda awa, mpangi ya munu ya bakala zolaka vwanda, yandi kufwaka ve.”

Yandi tubaka, “Mpangi ya nge ya bakala ke vumbuka diaka.”

¹⁵⁷ “Oh,” yandi tubaka, “yinga, Mfumumu, mu zaba ti yandi ke vumbuka diaka na kilumbu ya nsuka.”

¹⁵⁸ Mpe—mpe Yandi tubaka, mpe yandi. . . Yandi tubaka, “Kasi Mu kele Mvumbukulu mpe Luzingu. Yandi yina ke kwikila na Munu, ata ti yandi me kufwa, kasi yandi ke zinga. Yina nionso ke zinga mpe ke kwikila na Munu ke kufwa ata fioti ve.”

¹⁵⁹ “Mu ke kwikila, Mfumumu, ti Nge kele Mwana ya Nzambi yina zolaka kwiza na yinza. Mpe ata mpe ntangu yayi, Mfumumu!” Oh! “Mpe ntangu yayi!” (Ve, “Mfumumu, Nge zolaka sala yayi mpe Nge zolaka sala yina!”) Kasi, “Ata mpe ntangu yayi, nyonso yina Nge ke lomba na Nzambi, Nzambi ke pesa yawu na Nge.” Kaka yina.

¹⁶⁰ Yinki kana beto lendaka tuba yawu na muntu mosi na nkokila yayi, “Oh, mpangi ya munu ya bakala, mu ke kwikila ti yina nge me lomba na Nzambi, Nzambi me pesa yawu na nge?” Bandandu mosi ke kwisa.

¹⁶¹ Kasi ata mutindu Yandi vwandaka, kana Yandi vwandaka. . . Mpe beto zaba ti Yandi vwandaka Mwana ya Nzambi. Kana yandi kondwaka yawu ve luzitu, ya zolaka ve kusala. Yina katukaka na ntima ya yandi. Yandi tubaka, “Ata mpe ntangu yayi, Mfumu, nyonso yina Nge ke lomba na Nzambi, Nzambi ke pesa yawu na Nge.” Yawu yina. Yawu yina. Na ntima ya yandi, yandi kwikilaka yawu. Kana Yandi zolaka sala nzietolo ya kuzomba to kuloba mbisi, yina zolaka sala ata luswaswanu ve samu na yandi.

¹⁶² Ve, kana Elie kwendaka na nzietolo ya kuzomba to kwendaka kisika mosi kuna, ya salaka ata luswaswanu na yawu, na kento ya Sunamite. Yandi kwikilaka kaka ti yandi kele muntu ya Nzambi. Kieleka. Ata yina yandi salaka, yandi vwandaka kaka muntu ya Nzambi, samu na yandi, samu ti yandi monaka Nzambi kutambula na luzingu ya yandi.

¹⁶³ Mpe, na Marthe, ata yina salamaka, yandi monaka yina Nzambi salaka samu na Yandi. Yandi tubaka, “Ata mpe ntangu yayi, Mfumu, nyonso yina Nge ke lomba na Nzambi, Nzambi ke pesa yawu na Nge.” Ah, beno bawu yayi.

¹⁶⁴ Yandi tubaka, “Mpangi ya nge ya bakala ke vumbuka diaka.” Mpe na yina Yandi tubaka, “Wapi kisika nge me zika yandi?” Mpe bawu kwendaka na ntoni. Mpe Yandi bokilaka Lazare na ntoni, na manima ya kufwa bilumbu yiya. Samu na yinki? Samu mpangi-kento ya Lazare zitisaka yina Yandi vwandaka.

¹⁶⁵ Kana beno lenda zitisa ve muntu yayi, luzitu na kisalu yina yandi ke simba na Nzambi. Ya kele kaka kieleka, beno me mona, beno zitisa yandi. Kana longi mosi kukwisa, pasteur ya beno, beno zitisa yandi ntangu nionso. Mu me kuwaka mabuundu ke zonzila pasteur ya bawu, wapi mutindu ba vwandaka zonzila yandi, ke vweza yandi, ke sawula yandi. Wapi mutindu pasteur yina ke sala kima mosi samu na beno? Yandi lenda sala yawu ve. Beno—beno ve, beno ke ku- . . . Mu ke tuba dibuundu yayi ve, kasi mu zola tuba mabuundu mu me monaka, ti kana beno. . . Beno fwana kuzola pasteur ya beno. Beno fwana zaba ti yandi kele muntu, kasi dyaka Nzambi me sala yandi pasteur ya Yandi. Mpeve-Santu me sala yandi surveillant general, na yina beno fwana zitisa yandi mutindu yina. Mpe ya lenda vwanda yina pasteur salaka, kana beno zitisa yandi na kati ya ntima ya beno, mutindu kisadi ya Nzambi, Nzambi ke zitisa beno na kusala yawu.

¹⁶⁶ “Yandi yina—yandi yina ke yamba Munu, ke kuzwa Yandi yina fidisaka Munu,” Yesu tubaka. “Yandi yina ke yamba Munu ve, lenda yamba Yandi ve.” Beno me mona, bawu tubaka ti

Nzambi vwandaka Tata ya bawu; Yandi tubaka, “Tata ya nge kele dyabulu.”

¹⁶⁷ Na yawu, beno me mona, beno fwana zitisa yawu mpe kukwikila yawu, kukwikila ti Yandi kele. Yinga, Marthe kwikilaka yawu.

¹⁶⁸ Mpe ya kele mwa kima mosi yina mu bulaka na suka yayi, kento yina ya Syrophénicienne na ntangu yina ntangu yandi kwisaka. Beno tala mutindu ba losaka yandi, na ndudi. Kuna Yandi vwandaka, Juif; yandi vwandaka Muntu ya makanda, mpe yandi kwendaka mbangu na Yandi. Yandi zabaka ve mutindu ya kubelama na Yandi, kasi yandi vwandaka na nsatu, mpe yandi zabaka ti Yandi vwandaka Mwana ya Nzambi yina. Yandi kwikilaka yawu. Yandi . . . Kana—kana Nzambi lendaka pesa mvutu na kisambu ya Yandi samu na bantu yankaka, Yandi ke pesa mvutu na bisambu samu na yandi. Mpe yandi zabaka yina Yandi tubaka vwandaka Ndinga ya Nzambi. Kana ya vwandaka Ndinga ya Nzambi samu na ba-Juif, ya vwandaka Ndinga ya Nzambi samu na Bantu ya makanda, mpe, nionso yina Yandi tubaka. Mpe Yesu pesaka yandi kumekama. Yandi tubaka, “Mfumu, vwanda na kyadi!” Ntangu yayi beno tala mbote. Ve, Yandi tubaka . . . “Nge Mwana ya David,” samu ti yandi kuwaka ba-Juif kutuba, “Nge Mwana ya David.” Ntangu yayi, Yandi vwandaka ve Mwana ya David samu na yandi. Beno me mona? Mpe Yandi tubaka . . . “Nge Mwana ya David!” Ya zolaka vwanda mutindu yina Juif zolaka belama na yawu, samu ti yandi kuwaka bayankaka ya bawu. Yandi mekaka na kukwisa mutindu bawu salaka, mpamba ve ti yandi vwandaka meka na kuzwa luzitu. Yandi vwandaka meka na kutalisa luzitu ya yandi. Mpe yandi vwandaka sala kaka ve; Yesu zolaka zaba kana ya vwandaka mutindu yina. Ve, Yandi zolaka zaba yawu. Na yina mutindu yandi kwisaka, yandi tubaka, “Nge Mwana ya David, vwanda na kyadi na zulu ya mwana ya munu ya kento, samu ti yandi me vwalangana na dyabulu.”

¹⁶⁹ Yandi balukaka mpe talaka yandi, mpe tubaka, “Ya ke na kukutana ve samu na Munu na kubaka dimpa ya bana, mpe kulosa yawu na bayimbwa.” Fiou! Yina vwandaka ve? Yina vwandaka mosi! Ba losaka yandi kaka ve na lombilu ya yandi, kasi ba bokilaka yandi “yimbwa.” Ya kele kieleka. Mpe yimbwa kele mosi ya bankumbu ya kulutila yisi yina Biblia kele na yawu, beno zaba. Na yawu Yandi tubaka, “Mu ke kutana ve na Munu na kubaka dimpa ya bana, mpe kulosa yawu na bayimbwa.”

¹⁷⁰ Yandi tubaka, “Ya kele kieleka, Mfumu.” “Mfumu,” na yina yandi kuzwaka yawu. Yandi vwandaka ve Mwana ya David samu na yandi, kasi Yandi vwandaka Mfumu. Yandi tubaka, “Kieleka, Mfumu. Ya kele kieleka, kasi bana ke kudya bima ya mvindu na yisi ya . . . To, mu zola kutuba, bayimbwa ke kudya bima ya mvindu na yisi ya mesa ya mfumu.” Yawu yina. Yawu vwandaka yawu. Yina vwandaka luzitu.

171 Yesu balukaka na yandi, tubaka, “Lukwikilu ya nge kele nene. Ntangu yayi vutuka na yinzo, nge ke mona mwana ya nge ya kento kaka mutindu nge me kwikila yawu.” Yawu yina. Samu na yinki? Ya vwandaka kubelama ya yandi.

172 Yinki zolaka salama kana yandi balukaka mpe tubaka. . . Yandi balukaka, yandi tubaka, “Ya kele ve ya kukutana na Munu na kubaka. . .” Na nzonzolo yankaka, “Ya kele ve ya kulunga.”

173 Beno tuba, muntu ya Katolika ke kwiza mpe ke tuba, “Oh, Mpangi Branham, mu zaba ti Nzambi ke kuwaka bisambu ya nge samu na bantu yayi awa. Nge ke sambila samu na munu?”

174 Mpe mu ke tuba, “Mbote, ya kele mbote ve samu na munu na kubaka ntangu ya bana yayi awa. Mu kele awa samu na kusambila samu na ba-Pentecotiste yayi, ve samu na beno nkonga ya ba-Catholique.” Beno me mona? Yinki yandi zolaka tuba? Oh, bakala, mu banza ti yandi zolaka basika awa mutindu nyonso. Beno me mona?

175 Kasi yandi balukaka mpe yandi tubaka, “Ya kele kieleka, Mfumu. Ya kele kieleka, Mfumu. Kasi beto ke—beto ke zola, bayimbwa ke zola kudia bitini ya mampa na yisi ya mesa ya Mfumu.”

176 Beno me mona, yina kangaka Yandi na nswalu nionso. Yandi balukaka mpe tubaka, “Lukwikilu ya nge kele nene.” Mpe kuna beto ke mona dyambu yankaka. . . Beno me mona, ya vwandaka kubelama ya yandi, luzitu ya yandi. Yandi vwandaka zitisa Nzambi mutindu yandi vwandaka zitisa Yandi.

177 Na yina beto ke mona kilumbu mosi ya vwandaka na Rome, mpe yandi vwandaka muntu ya nene, mpe yandi zolaka ba-Juif. Mpe yandi vwandaka na kisadi yina vwandaka ya kubela. Yandi mosi, yandi vwandaka ve na nsatu ya kulunga na kukwenda yufula Yesu.

178 Beno me mona, beno ke zolaka ntangu nionso kuwa fioti mingi kulutila yina beno kele. Beno vwanda ata fioti ve nene na meso ya beno mosi. Beno me mona? Ntangu yayi, mpe kana beno kele nene, ti muntu yankaka kutuba yawu samu na beno. Beno me mona? Kasi ntangu yayi ntangu beno, kento yayi to. . .

179 Bakala yayi, mu zola tuba, yandi tubaka ti yandi vwandaka mfumu ya basoda ya Rome mpe yandi vwandaka na kisadi ya kubela, na yawu yandi fidisaka na kuzwa kisadi yayi ya kubela kubeluka. Mpe Yesu tubaka, “Mu ke kwiza belusa yandi.”

180 Na yawu na nzila ya Yandi, Rome monaka Yandi kukwiza. Mu banza ti yandi tubaka, “Oh, la la, awa ke kwiza Muntu yango ya Santu. Awa me kwiza Muntu ya Santu yina. Mbote, mu kele Muntu ya makanda ve. Mu kele—mu kele—mu kele mfumu ya basoda ya Rome, mu kele mfumu ya basoda, to—to kisadi. Mu—mu—mu ke Juif ya kieleka ve, mu ke na muswa ve samu na Muntu yina ya Santu na kukwisa.” Beno me mona luzitu? Beno

me mona? “Mu kele ve na muswa ya kuzwa Kisadi yango ya Santu ya Nzambi kukwiza na yinzo ya munu.”

¹⁸¹ Monaka Yandi kukwiza na kielo, mpe yandi bokilaka Yandi, yandi tubaka, “Mfumumu, mu—mu kele ve ya kulunga ti Nge ke kwiza na yisi ya muludi ya munu.” Mu banza vwandaka na yinzo ya ntinu, mfumu ya basoda. Yandi tubaka, “Mu kele ve ya kulunga ti Nge ke kwiza na yisi ya muludi ya munu. Mpe mu—mu banzaka ve ti mu me lunga na kukwisa na Nge, na yina mu tindaka bantu ya Nge—ya Nge Mosi ya kusakumuka, ba-Juif. Kasi mu kele na kisadi awa yina kele ya kubela mingi.” Mpe yandi tubaka, “Mu kele muntu na yisi ya lutumu,” yandi tubaka, “Mu ke tuba na soda yayi, ‘Kwenda,’ mpe yandi kwendaka. Mu ke tuba na yandi yayi, ‘Benokwisa,’ mpe yandi ke kwisa.”

¹⁸² Yinki yandi tubaka kuna? “Mu zaba ti Nge kele na ngolo nyonso. Nge lenda tuba na kimbevo yayi, ‘Kwenda,’ mpe ya ke kwenda. Mpe beno lenda tuba na yandi yayi, ‘Kwisa,’ mpe ya ke kwisa.” Beno me mona, yandi zabaka. Mpe mutindu yandi vwandaka na kiyeka na zulu ya basoda yayi, na yina Yesu vwandaka na kiyeka na zulu ya bimbevo nionso mpe maladi nionso. “Kima kaka Nge fwana sala, Mfumumu, kele kuzonza kaka Ndinga!” Yawu yina! “Tuba kaka Ndinga, kisadi ya munu ke zinga.”

Yesu telemaka, balukaka na ba-Juif yina, yandi tubaka, “Mu me monaka ve lukwikilu mutindu yina kuna na Israel.”

¹⁸³ Yandi tubaka, “Ya kele nyonso ya kulunga na kisadi ya nge.” Amen. Samu na yinki? Samu ti yandi zitisaka yawu. Yandi zitisaka Yesu Klisto Yina vwandaka Nzambi ya Mazulu.

¹⁸⁴ Ntangu yayi, mu banza ti ntangu me luta. Mu zola tuba kima mosi diaka, yayi kele. Luzitu yina nionso ya nene, mpe nionso yina; kasi bubu yayi, na mutindu nionso, ya kele luswaswanu. Nzambi lenda sala kima mosi bubu yayi, mpe bantu ke seka yawu. Mu ke kwikila ti beto me vwanda mutindu yankaka bubu yayi, pene ya bamvula makumi yiya me luta ntangu Mpeve-Santu bandaka ntete na kubwa, kasi yinki bantu salaka? Bawu kangaka milongi, bokilaka bawu ba-exalté. Bawu basikaka . . . Bawu zolaka ve kudisa bawu na kati ya bambanza, mpe nionso mutindu yina; mpe bawu bukaka masangu na nzila ya masini, samu na kuzinga. Yinki bawu salaka? Bawu vwandaka na bamvula makumi yiya yankaka, dibuundu, na mpasi, bawu lutaka na bima nionso, bamvita zole na ntangu yina, beno me mona, ba me kufwa yawu na mafunda ya bawu; na yina, ya lendaka vwanda ti yandi kwendaka na Yinzo.

¹⁸⁵ Ntangu yayi, yinki zolaka salama, ntangu Nzambi bandaka na kumwangisa Mpeve-Santu na zulu ya dibuundu na bilumbu ya nsuka, yinki zolaka salama bamvula makumi zole na tanu me luta ntangu Yandi bandaka na kutinda bidimbu ya Yandi mpe mambu ya ngitukulu mpe bimangu, yinki zolaka salama kana

bantu zolaka kuzwa yawu nyonso? Yinki bawu salaka? Bawu tubaka, “Ya kele hoodoo, ya kele kuloka, yandi kele muntu yina ke tangaka mabanza, yandi kele *yayi*, *yina*, to *yankaka*.” Yinki ke salama kana bayinsi nionso zolaka kwenda kintwadi mpe kutuba, “Nkumbu ya Mfumu kusakumuka”? Yinki ke salama kana ba-Methodiste mpe ba-Baptiste, mpe ba-Presbytérien mpe nionso yina, lendaka vukisa maboko kintwadi mpe kutuba, “Matondo na Nzambi, tala yina beto me sosa. Mpeve-Santu me tiamuka. Mbote, awa kele bantu yina ke monaka ba-vision, awa kele bapofete na kati ya beto, awa kele—awa kele makabu nyonso yayi ya nene awa, banzonzi na bandinga, bayankaka ke salaka kubeluka ya Kinzambi, awa bima nionso me tiamuna na zulu ya beto. Matondo na Nzambi, ya lutilaka na nkonga mosi ya fyoti ya kukikulumusya yina ba bokilaka ba-Pentecotiste. Beto nyonso kuvutuka dyaka na Biblia. Beto vutuka, bampangi, beto buka ba-organisation ya beto, mpe beto nionso vwanda mpangi ya bakala mosi”? Mabuundu ya nene nyonso zolaka vukana, yinki zolaka salama? Mpangi ya bakala, ya zolaka vwanda ve na nsatu ya lupitalu na yinsi bubu yayi. Ya kieleka. Ve, ya vwandaka na makabu ya nene mingi mpe mambu ya ngitukulu yina vwandaka sala na kati-kati ya bantu, ya vwandaka na luzitu ya mutindu yina, mpe mu banza ti dibuundu zolaka kwenda na Yinzo mpe Millenium zolaka landila.

¹⁸⁶ Kasi, ve, ba kondwaka kuzitisa yawu. Ba bokilaka bawu ba-exalté. Bazulunale mwangisaka bima nionso ya luvunu, bima ya mvindu bawu lendaka, mpe beno tula yawu bima ya mvindu nionso mpe yandi lendaka kusala yawu, mpe bima ya mutindu yina, mpe mabuundu vwezaka yawu mpe sekaka yawu, mpe—mpe vwezaka bawu, mpe pusaka bawu ntama mpe mekaka na kukeba bawu na ngaanda ya bambanza, mpe nyonso yankaka, na kukondwa luzitu. Ntangu yayi, mu lendaka tuba mingi samu na yawu, kasi ntangu me luta.

¹⁸⁷ Bika mu kwisa na Branham Tabernacle, pardo. Ntangu yayi Nzambi me banda na kutsyamuna makabu na zulu ya beto. Beto ke mona yawu. Ntangu yayi, yinki kele dikabu ya Nzambi bubu yayi? Ya kele Mpeve-Santu, Ya kele Mpeve-Santu yina kele na kati ya beto. Beto fwana zitisa Yawu. Beto fwana zitisa Yawu na konso muntu Yawu ke kwizaka. Beto fwana ku-...kupesa... na makabu ya Nzambi. Ntangu Yandi ke fidisa makabu yina, ata mutindu kieleka ya kele, ata mbala mosi ve ti ya ke sadisa beto tii beto ke kuma na kisika tii beto lenda zitisa yawu. Muntu lenda pesa profesi; kana beno ke kwikilaka ve na profesi yina, ata mbala mosi ve ti ya ke sala beno ata mbote. Beno fwana vwanda na buzitu mpe beno fwana zitisa yawu. Beno fwana kwikila ti ya me katuka na Nzambi.

¹⁸⁸ Beno kwikila yawu tii ya me siamisama yimbi. Na yina ntangu ya me siamisama na mutindu ya yimbi, na yina beno kele na muswa ya kukwikila yawu ve, na yina beno vukana diaka ve

na yawu. Kasi ntangu nyonso yina ya ke siamisama ti ya kele kieleka, na yina beno kwikila yawu.

¹⁸⁹ Mutindu kiboba ya Samuel tubaka kilumbu yina ntangu bawu zolaka ntinu. Yandi tubaka, “Mu zola kuyufula nge kima mosi. Mu me bakaka ntete mbongo ya nge? Mu me lombaka nge ntete na kuzinga? To, mu me tubaka na beno ntete kima mosi na Nkumbu ya Mfumu kasi yinki salamaka?” Yandi tubaka, “Nge ke na nsatu ya ntinu ve, mpe ntinu ya nge ke sala nge mbote ve.” Mpe yandi tubaka na bawu. Yandi pesaka bawu kyuvu, yandi tubaka, “Mu me tubaka na beno ntete kima mutindu MUTINDU ME TUBA MFUMU kasi yinki salamaka?”

¹⁹⁰ Ntangu yayi, na yina bantu kondwaka luzitu na Samuel. “Oh, beto zaba, Samuel. Ya kele kieleka, nge, beto lenda tuba ve ti nge tubaka ata mbala mosi ve kima. . . yina vwandaka mbote, kasi, kasi dyaka beto zola kusala yawu mutindu *yayi*.” Beno me mona? Beno fwana sala yawu ve. Beno fwana sala yawu mutindu ya Nzambi.

¹⁹¹ Ntangu beto ke kuzwa Mpeve-Santu, ya kele ve kupesa mbote na pasteur. Kuzwa Mpeve-Santu kuzwa Klisto na kati ya beno, samu ti Yandi kele Munati-nsangu ya Nzambi ya kilumbu. Mpeve-Santu kele Munati-nsangu ya Nzambi, mpe beto fwana zitisa Yandi. Ntangu Yandi ke kwisa, beno tuba ve, “Hee! Hee! Hee! Tala kento yina ke boka kuna, mpe ke dila, masa ya meso ke kulumuka na matama ya yandi. Beno tala bakala yina kuna, ke pesa mbote na maboko ya yandi mpe ke tekita mpe ke dila. Beno zaba yinki ya kele? Ya kele nkonga ya ba-emotion.” Beno ke na kuvweza Mpeve-Santu. Beno fwana kuzitisa Yawu.

¹⁹² Beno bambuka moyo, awa ntama mingi ve mu vwandaka na Oregon, pene, pene ya bamvula kumi na zole me luta. Mpe bana ya bakento zole ya Katolika ya ba-reporter kwisaka kuna. Ve samu bawu vwandaka Bakatolika, kima mosi ve kulutula yina; samu ti mu kuzwaka kaka na ba-Protestant mingi, mpe ba-Protestant mingi kulutula yina mu kele na ba-Catholique, samu na kuseka munu. Mpe—mpe—mpe na yina bana-bakento yayi kwisaka samu na kupesa nsangu. Na yina kaka na ntangu bawu kotaka kuna, mu simbaka mpeve na ntangu bawu kotaka, mpe mu tubaka, “Mbote mingi, ntangu yayi wapi mutindu ya masawula nge me telemisa diboko ya nge na ntangu yayi?” Mpe mwana-kento yayi basisaka dikaya mosi mpe bandaka, mpe mu tubaka, “Beno vwanda kaka ve na nsemo yina na yina beno kele na yinzo ya munu ya bayinti. Beno bika yawu swi.”

¹⁹³ Na yawu mu vwandaka kuna mwa ntangu fyoti, mpe yandi talaka munu mutindu kana yandi lendaka luta na kati ya munu, mutindu yina, mpe yandi bandaka na kuzonza ndambu. Yandi tubaka, “Mbote, mu zola kuyufula nge mwa bakyuvu.”

Mu tubaka, “Tuba.”

194 Yandi tubaka, “Wapi mutindu nge me vukana na nkonga yayi ya ba-exalté awa?” Yandi tubaka, “Nge kele mosi ya bawu?”

Mu tubaka, “Mu kele mosi ya bawu.”

195 Mpe yandi tubaka, “Mbote, nge zola tuba na munu ti ya ke vwanda na kima mosi ya busantu samu na yawu?”

Mu tubaka, “Ve samu na nge, mutindu Katolika, ke kwikila yawu ve.”

Yandi tubaka, “Wapi mutindu nge ke zaba ti mu kele muntu ya Katolika?”

196 Mu tubaka, “Mu zaba ti nge kele mundimi ya Katolika. Mu ke tuba na nge yina kele nkumbu ya nge, beno me mona, mpe nani nge kele.” Yina katulaka yandi makulu.

197 Yandi tubaka, “Mbote, nge zola tuba na munu mutindu yina ya bantu, bawu ke tuba, ke zinga awa na zulu ya ntoto mpe ke vwanda na Mazulu?” Yandi tubaka, “Mu ke zola ve kuvwanda na Mazulu na bantu ya mutindu yina.”

198 Mu tubaka, “Nge ke vwanda ve na boma mingi. Ntangu nionso nge ke banza mutindu yina, nge ke vwanda kuna ve, na mutindu nionso, beno me mona.” Mu tubaka “Nge ke vwanda ve na boma samu na yawu.”

199 Mu telamaka kaka, mu talaka yandi kaka na kizizi. Mpe bampangi zole ya babakala vwandaka ya kuvwanda na kati ya kivinga. Mu tubaka, “Mu kele ve ya kudasuka. Mu—mu zola kaka ti nge zaba kisika nge kele ya kutelama, beno me mona.” Mpe mu tubaka, “Nge ke sonika, nge ke zola kukwiza awa samu na kutala mwa bima, mpe beno ke sonika ata fioti ve yina mu tubaka na beno. Beno ke sala yawu disolo ya beno mosi. Beno kwenda na ntwala mpe beno sala yawu, kasi mu zola tuba na beno kima mosi. Nge ke sonika konso kima yina nge zola, mpe” mu tubaka, “ntete nge kufwa, ndinga ya munu ke bokila na makutu ya nge. Kana ya kele ve mutindu yina, na yina beno zaba ti mu kele profete ya luvunu.” Mu tubaka, “Ntangu yayi, nge sonika kaka nyonso yina nge zola, ya me tala nge. Mu ke pesa nge kimpwanza na kukwenda kusonika yina nge zola. Kasi na ntwala beno kufwa, beno ke kuwa ndinga ya munu kuboka na makutu ya beno. Ya ke sala beno mbote ve.” Mu tubaka, “Ntangu yayi kwenda na ntwala mpe sonika yina nge zola.”

200 Yandi telemaka kuna mwa ntangu fioti. Yandi tubaka, “Mbote, yinki nge ke banza samu na nkonga yina ya bantu ya zoba kuna, ke boka mpe ke sala mambu mazono na nkokila?”

Mu tubaka, “Bawu nionso kele Baklisto.”

“Muklisto?”

201 Mu tubaka, “Kieleka, bawu kele Miklisto.” Mu tubaka, “Bawu kele Miklisto, ya kifuluka na Mpeve-Santu.”

Mpe yandi tubaka, “Yina kele ve Mpeve-Santu.”

202 Mu tubaka, “Yinki nge ke bokila Mpeve-Santu?” Beno me mona yina yandi zolaka tuba samu na yawu. Mu tubaka, “Mu ke zola kutuba na nge kima mosi.”

203 Yandi tubaka, “Mbote, mu ke zola ve kuvwanda kintwadi na nkonga ya bantu mutindu yina.”

204 Mu tubaka, “Mu banza ve ti ya kele na kima ya boma mingi,” mu tubaka, “na beno ke na kuvukanaka mutindu yina.” Mu tubaka, “Samu ti, kana beno me vukanaka na Nzambi to na mosi ya basantu, beno ke vukana mutindu yina.”

Yandi tubaka, “Basantu ya Biblia?”

205 Mu tubaka, “Yinga.” Mu tubaka, “Mwense ya nge ya kusakumuka Marie,’ nge ke bokila yandi, nani kele nzambi ya beno ya kento,” mu tubaka, “ntete Nzambi kubika yandi kukwiza na Mazulu, yandi zolaka kwenda na Kilumbu ya Pantekote mpe kuzwa Mpeve-Santu, mpe yandi tulaka ntembe na yisi ya Ngolo ya Nzambi mutindu kento ya kulawuka malafu.”

Yandi tubaka, “Ya kele luvunu.”

206 Mu tubaka, “Vwanda swi mwa ntangu fioti.” Mu balukaka awa na Buku, mpe mu tubaka, “Tala awa,” mu balukaka. Mu tubaka, “Yawu yayi awa na kati ya Buku.” Mpe yandi balulaka yintu ya yandi. Mu tubaka, “Nge kele ve na kikesa ya kutanga Ndinga ya Nzambi.” Beno me mona? Mu tubaka, “Kieleka.” Beno me mona, ya kele ngitukulu. Mu tubaka, “Ntangu yayi nge lenda katula paké ya tabaka ya nge na mesa kuna, mpe kwenda ntangu nge me kubama.” Kasi mu tubaka, “Mu zola ti nge zaba kima mosi. Beno sonika nyonso yina beno zola, kasi beno bambuka moyo na bampova ya nsuka mu ke tuba, ‘Na Nkumbu ya Mfumu, nge ke bambuka moyo na yawu na ntuala nge kufwa.’” Yandi sonikaka ata kima mosi ve. Ya kele kieleka. Yandi bikaka kaka yawu.

207 Yinki ya kele? Kukondwa luzitu, na kumekaka na kuseka, na kusalaka kima mosi. Bawu zaba ve yinki ba ke na kusalaka. Yina kele kieleka.

208 Kasi awa na tabernacle, beto zola beno nionso kuzaba bima yayi awa. Ntangu Nzambi ke banda na kutsyamuna Mpeve-Santu na zulu ya bantu, bantangu yankaka mu zaba ti mu me monaka bantu kukota na nsuni ntangu bawu vwandaka—ntangu bawu vwandaka na yisi ya kupakulama ya Mpeve, Mu me monaka bawu kukwenda ntama na bima, kasi beno tuba kima mosi ve samu na yawu. Beno zitisa yawu, beno kulumusa yintu ya beno. Beno lenda bakula yawu ve, to dyaka munu ve, kasi mu zola kuzitisa yawu, na mutindu nyonso. Ntangu yayi, beto fwana vwanda na luzitu na Nzambi. Mpe ntangu Nzambi ke mwangisa Mpeve-Santu, mu ke tonda kaka, ke tuba, “Matondo na Nge, Tata ya Mazulu. Nge ke sala kima mosi samu na moyo yina ya mputu yina zola kwisa na Yinzo ya Nge, mutindu mu ke salaka, kilumbu mosi.”

209 Mpe mu ke mona babakala, mutindu awa kilumbu mosi mpangi-bakala yina kele na ministere yandi tubaka ti mu tubilaka yandi. Mpe beto kwendaka mpe bakaka ba-bande nionso mpe fidisaka yawu na yandi. Ya vwandaka Mpangi A. A. Allen. Mpe yandi tubaka ti mu me seka yandi na kutubaka ti menga ke na kubasika na diboko ya nge mpe—mpe ke bokila yina nzikisa ya kieleka ya Mpeve-Santu, mpe—mpe mu banza ti ya vwandaka menga mpe mafuta yina vwandaka basika na maboko ya yandi mpe kizizi, mpe nyonso. Yandi tubaka ti ya vwandaka—vwandaka ti mu sekaka yawu mpe tubaka na yandi ti ya vwandaka ya dyabulu. Mu vwandaka kuna, mu sonikaka yandi mukanda, mu tubaka, “Mpangi Allen. . .” Yandi sonikaka kitini mpe beno—beno tangaka yawu, “Mpangi Branham ya luzolo.” Beno me mona? Mpe na yina ba tulaka ba-cactus bisika nionso na yinsi, na kisika ya kukwisa mpe kumona munu samu na yawu, yandi salaka yawu.

210 Kasi ntangu yayi beno tala yina mu tubaka, mu tubaka, “Mu ke baka bankokila nyonso sambanu na Phoenix, mpe mu ke fidisa nge ba-bande ya munu mpe ke lakisa nge.” Yina Leo mpe bayankaka salaka, mpe fidisaka ba-bande na bawu. Mu tubaka, “Kaka kilumbu mosi ba bokilaka nkumbu ya nge. Bantu tulaka yawu na zulu ya chaire ya munu, mpe tubaka, ‘Mpangi Branham, Mpangi Allen vwandaka kaka na mbanza mpe tubaka na beto ti “kimbangi ya ntete ya Mpeve-Santu vwandaka basika menga na maboko mpe vwandaka basisa menga na kizizi, mpe mafuta vwandaka basika na diboko ya nge, yina vwandaka nzikisa ya ntete.””

211 Mu tubaka, “Mu ke wisana ve na Mpangi Allen na zulu ya yawu yina vwandaka nzikisa ya ntete ya Mpeve-Santu, samu ti ya vwandaka ve na kisika mosi na kati ya Biblia kisika maboko ya bawu basikaka menga, mpe—mpe mafuta basikaka na kizizi ya bawu mpe maboko, samu na kusiamisa ti bawu vwandaka na Mpeve-Santu.” Mu tubaka, “Mpeve-Santu vwandaka Ngolo ya Nzambi na kati ya baluzingu ya bawu. Mpe Yesu tubaka, ‘Bidumbu yayi ke landa bayina ke kwikila,’ beno me mona. ‘Na Nkumbu ya Munu ba ke basisa bampeve ya yimbi,’ mpe nionso yina.” Kasi mu tubaka, “Beni tala kima mosi mu ke tuba na yina me tala Mpangi Allen, yandi kele muntu ya nene ya Nzambi. Mpe kana mu lendaka longa mbote mutindu Mpangi Allen lendaka, mu ke kuzwa ata fioti ve lukutakanu ya kubeluka ya nzutu, mu ke longa kaka Nsangu ya mbote.”

212 Na yina, beno me mona, na manima yandi me tula mukanda yango mpe nyonso, yina mu “salaka yawu,” kaka na zulu ya yina muntu yankaka tubaka. Kasi mpe mu wisanaka ve na mpangi ya bakala na zulu ya dibanza ya yandi, kieleka mu ke zola ve kuvweza mpangi ya bakala.

213 Mpe kuna ya kutelama kaka kuna, na zulu awa na Minnesota, na nkokila yina, na Minneapolis, na Minnesota, mpe

ya vwandaka na kati ya cathedrale yina ya nene, tempelo, na Gordon Peterson. Mpe muntu yayi yina sonikaka buku yina na ntwala ya A. A. Allen, mpe tubaka nyonso na zulu ya yandi yina lendaka tubama, mpe tubaka, “Yandi vwandaka na kikesa ya kusonika buku yina ya *Bampeve Ya Yimbi Yina Ke Tatikaka*, samu na kento yina, talisaka bidimbu na zulu ya maboko ya yandi kisika mpeve ya yimbi tatikaka yandi, mpe bima mutindu yina.” Ntangu yayi kieleka mu—mu. . . (Mu zaba ve kana ya lendaka vwanaka kieleka to ve, samu ti dyabulu kele mpeve, beno me mona; kasi kento yayi tubaka ti mpeve ya yimbi na bansuki mingi kwisaka mpe tatikaka yandi bisika nyonso na maboko mpe bisika nyonso na kizizi, mpe nyonso mutindu yina.) Mpe yandi tubaka, “A. A. Allen sonikaka buku yina.” Mpe muntu yina sonikaka buku, sonikaka mukanda ya mbote samu na munu, mpe awa yandi vwandaka ya kuvwanda kaka kuna na lukutakanu na nkokila yina (ntangu Mpangi Peterson mpe bayankaka kwisaka tuba na munu, ti yandi vwandaka ya kuvwanda kuna), mpe vwandaka kumisa munu, mpe vwandaka kulumusa A. A. Allen.

Mu banzaka, “Ntangu yawu yayi mu lenda pesa na Mpangi Allen.”

²¹⁴ Na yawu mu kwendaka kuna, mpe mu tubaka, “Mu vwandaka tanga awa mukanda na zulunale bubu yayi ti muntu yayi yina kele na kati ya mbanza, ve. . .” Na kuzabaka ti yandi vwandaka kaka ya kuvwanda kuna. Mu tubaka, “Yandi tubaka awa ti A. A. Allen, mpe masawula nyonso.” Mu tubaka, “Ata ti mu ke sepela na muntu yina ke tuba matondo na munu ti yandi salaka,” Mu tubaka, “ti mu vwandaka ve na ngaanda ya mbongo mpe bima ya mutindu yina, mpe mu bumbaka balukutakanu ya kulutula mvindu na mosi ya bawu, mpe nyonso yina, bima ya mbote yandi tubaka.” Mu tubaka, “Mu ke sepela na yawu. Kasi kana muntu yina sonikaka mukanda yayi awa na zulunale, yandi talaka ata fioti ve banoti ya yandi pene-pene mingi kulutula kutuba A. A. Allen sonikaka yayi *Bampeve Ya Yimbi Yina Ke Tatikaka*. A. A. Allen sonikaka ata fioti ve buku yina. Mu zaba muntu yina sonikaka yawu.” Mu tubaka, “Yandi sonikaka ata fioti ve buku yango. Mpe kana bakala yayi me talaka ntete ve zulunale ya yandi mbote-mbote kulutula yina, Mu ke tula ntembe ti bayankaka yina yandi me tubaka ntete na yina me tala Mpangi Allen kele kieleka.” Na kunwaninaka Mpangi Allen. Mpe mu tubaka, “Na ngaanda, kana Mpangi Allen ke vwanda na yimbi, Mu ke zola kuvwanda na Kiti ya Lufundusu kubaka ntelamanu ya munu na Mpangi Allen na yimbi, ntangu yandi ke meka na kubenda mioyo na Klisto, kulutula samu na kutonga yina muntu ke meka na kusala.” Amen. Ya kele kieleka. Yinga, tata.

²¹⁵ Muntu nyonso yina ke bokilaka na Nkumbu ya Yesu Klisto, mu kele na yandi kana yandi kele Protestant, Katolika, to nyonso yina yandi kele. Mu—mu lendaka wisana na yandi ve na zulu ya théologie, kasi mu zola kuzitisa yandi mutindu kissadi ya Klisto

mpe mutindu mpangi ya munu ya bakala. Beno me mona? Mpe ata nyonso yina yandi ke sala, beto fwana pesa luzitu na Mpeve-Santu. Kieleka kaka. Yinga, tata. Mpe ntangu beto ke sala yawu, na yina Nzambi ke kwenda samu na kumwangisa balusakumunu ya Yandi na kati-kati ya beto. Kaka beto, mwa nkonga kaka awa, pene ya makumi tanu to makumi sambanu, to mu banza ti makumi sambwadi na tanu ya bantu ya kuvwanda awa na nkokila yayi, kana beto lendaka kaka, beto nionso kintwadi, kuvukana beto mosi kintwadi mpe kupesa luzitu na Nzambi mpe na Mpeve-Santu, mpe yina Yandi ke na kusalaka na kilumbu yayi, mpe luzitu konso dikabu mpe kisalu yina Yandi ke fidisa na kati ya beto, Nzambi ke landila kaka na kutsyamuna Mpeve ya Yandi na zulu ya beto mpe beto ke kula na lutangu mpe mingi. Beno ke kwikila yawu ve? Kieleka. Beto fwana vwanda na luzitu na Nzambi.

²¹⁶ Beto kulumusa bayintu ya beto na mwa ntangu fioti samu na kisambu. Ntete beto sambila, mu ke zola kuzaba kana ya kele na muntu awa yina ke zola kutuba, “Mpangi Branham, mu zola ti nge sambila samu na munu, ti mu ke vwanda na luzitu ya nene samu na Nzambi, ti mu ke vwanda ntangu nyonso na lenda ya kukanga yinwa ya munu na kuteleminaka bima ya Nzambi, ya lenda vwanda yina bawu kele, mpe bika ti Nzambi kuvwanda na kati ya ntima ya munu samu na kuzitisa konso dikabu ya Kinzambi yina Yandi ke fidisa na dibuundu.” Beno zola kaka kutelemisa maboko ya beno, mpe kutuba, “Sambila samu na munu.” Nzambi sakumuna nge. Pene ya konso diboko na kati ya dibuundu, mpe mu vwandaka na ya munu, mpe.

²¹⁷ Nzambi, sadisa munu na kuvwanda kisadi ya Nge. Sadisa munu na kuzitisa bampangi ya munu ya babakala, sadisa munu na kuzitisa bampangi ya munu ya bakento. Mpe konso Mpeve ya Nzambi yina ke kwizaka na lukutakanu, ya lenda vwanda ti ya ke vwanda kuzonza na bandinga, ata ti ya kele lutendulu ya bandinga, ya lenda vwanda ti ya kele profesu, ya lenda vwanda ti ya kele makabu ya kuswasikisa mabanza, ya lenda vwanda nionso yina ya kele, mu ke tuba, “O Mfumu Yesu, fidisa bawu. Fidisa bawu, O Mfumu. Mu ke vutula matondo na Nge.”

²¹⁸ Ntangu yayi, Tata ya Mazulu, beto zaba ti Nge kele Nzambi ya nene mpe ya boma. Beto zaba ti nganzi ya Nge kele ya boma. Ntangu Nge ke na nganzi ya Nge, na yina, ya ke—ya ke kima mosi ya boma. Nganzi ya Nzambi lenda bebisa yinza na sekonde mosi. Kasi ntangu Nge ke tala na yisi na zulu ya Menga ya Mfumu Yesu, na yina nganzi ya Nge me baluka. Oh, bumba munu kuna na Ditadi ya Bansungi! Mfumu Nzambi, bumba moyo ya munu ya kufuka na Menga ya Mfumu Yesu. Kaka ya munu ve, Mfumu, kasi bayina kele awa, mpe, na nkokila yayi. Beto zola Nge, Mfumu. Mpe konso dikabu yina Nge pesaka beto, ya lenda vwanda ti ba lendaka bokila beto kima yina ba me zola kusala, Mfumu, yina ke kaka ve . . . yina ke zola ve kuvwanda na kima

mosi ya kusala na yawu, beto ke zitisa kaka Nge, Yina ya nene, Mpeve-Santu ya nene. Beto zola Nge, Tata.

219 Beto ke tonda Nge samu na dikabu ya kubeluka na kati-kati ya beto. Beto ke tonda Nge samu na dikabu ya profesi na kati-kati ya beto. Beto ke tonda Nge samu na dikabu ya bandinga, mpe dikabu ya lutendulu. Mpe, O Nzambi, beto ke sambila ti Nge ke landila na kutinda makabu na kati ya beto, makabu ya Mpeve-Santu ya nene. Na zulu ya bima nionso, Mfumu, beto kele na kiese ya kulutila nene na kati ya ntima ya beto kele samu na Dikabu yina ya nene, ya kulunga, ya Yesu Klisto. Beto ke tonda Nge samu na lemvo ya Yandi mpe mawa ya Yandi, Yina ke salaka ti bima yayi nionso ya fioti kusalama samu na beto na nzila ya mpasi ya Yandi samu na muntu yankaka mpe kutiamuka ya menga na Calvaire. Yandi ke santisa bantu ya mutindu nyonso yina ke kuwaka Yandi na kyese mingi.

220 Mpe, Mfumu, beto kele na kyese ti Nge ke kwizaka na bantu ya mutindu nyonso. Na kati ya Biblia, na kati ya Buku ya Santu Luc, beto tangaka yawu, “Bantu ya mumesanu kuwaka Yandi na kiese nionso.” Bubuy yayi bawu ke tuba, “Oh, yina kele kaka nkonga ya bantu ya mumesanu.” Kasi, Mfumu, ya kele nkonga yina kuwaka Nge ntangu Nge vwandaka awa na nsuni. Bantu ya mumesanu kuwaka Nge na kyese mingi. Bantu ya lunangu, bamvwama, mpe mingi yankaka zolaka ve kuwa Nge. Bantinu, ba-potentats, banganga-Nzambi ya kilumbu yango, zolaka ve kuwa Nge. Kasi bantu ya mutindu nyonso yambaka Nge na kyese mingi.

221 Mpe, Tata, na nkokila yayi, beto kele bantu ya mumesanu, mpe beto kele na kiese na kuzwa Nge. Beto kele na kyese mutindu bawu vwandaka ntangu bawu vutukaka na kuyangalala, mpe vwandaka banza ti ya vwandaka kima mosi ya mbote, mpe kyese samu ti bawu zolaka nata nsoni ya Nkumbu ya Yandi, ntangu bawu pesaka bawu nsoni mpe bokilaka bawu nyonso. Mpe bawu vwandaka na kyese mingi, samu ti ya vwandaka bweso samu na bawu na kutala mpasi na Nkumbu ya Yesu Klisto. Tata Nzambi, beto me vukana na bilandi ya kilumbu yina, mpe beto ke tuba, “Kiese na beto.”

222 Mu me telama na nkokila yayi mutindu Santu Paul ya ntama, ntangu yandi telemaka na ntwala ya Agrippa, mpe yandi tubaka, “Na Nzila yina ba ke bokilaka kinzambi-nzambi, ya kilawu, ya kele mutindu mu ke sambilaka Nzambi ya battata ya beto.”

223 Mpe ntangu Agrippa tubaka, “Paul, malongi mingi me kumisa nge kilawu.”

Yandi tubaka, “Mu kele kilawu ve, O Agrippa.”

224 Mpe na yina yandi kumaka na kisika mosi, yandi tubaka, “Nge ke zola kaka kundimisa munu na kuvwanda Muklisto.”

225 Yandi tubaka, “Mu ke zola ti nge vwandaka mutindu munu, ata mpe kukondwa miniololo yayi ya kimpika.”

226 O Nzambi, yinki zola yina Paul kuzwaka, yandi tubaka ti yandi ke vwanda ya kusinga, ti bantu ya yandi kuzwa mpulusu. O Tata Nzambi, pesa beto zola mosi na yankaka mutindu yina. Pesa beto zola yina ke kufwaka ve, bumuntu yina, luzitu yina samu na mosi na yankaka, samu na kuvwanda Baklisto ya kulutula samu na kutala na zulu, bifu ya bayankaka. Samu ti muntu me kuzwa lusakumunu ya Nzambi; mpe yandi lendaka sala foti. O Tata, bika beto tala kifu yina ve, na kuzabaka ti ya kele mpangi ya bakala ya ntalu yina mu banza ti Satana salaka yandi mutambu na kima mosi. Kasi kana yandi sala yawu, beto ke sambila, Mfumu, ti Nge ke sadisa yandi to yandi na ngaanda ya kisika yina, ti beto ke zola na kati ya bantima ya beto samu na kukwenda kusosa dimeme yina me zimbana mpe kuvutula bawu na lupangu. Pesa yawu, Mfumu. Lemvokila beto bayimbi ya beto, mutindu beto ke lemvokila bayina kotaka beto nsoki. Pesa yawu, Mfumu. Twadisa beto ve na mpukumunu, kasi vulusa beto na yimbi. Samu ti kimfumu kele ya Nge, mpe ngolo, mpe nkembo, kukonda nsuka. Amen.

[Mpangi Neville ke pesa mwa ngolo—Mu.] Amen. Amen. Amen.

Matondo na Nge, Mfumu. Matondo na Nge, Tata. Mu ke kumisa Nge, O Yina kele Santu.

227 Wapi mutindu Nge kele ya nkembo, Tata! Mutindu beto ke tonda Nge, Mfumu! Wapi kubomba ya kele na kuwa Mvwandulu ya Mpeve-Santu mpe kuwa Yandi kuzonza na nzila ya bikoba ya muntu, na beto, na kusiamisaka ti Yandi kele dyaka Nzambi, mpe na kati-kati ya beto. Beto ke tonda Nge samu na yayi, Tata. Landila na beto, Mfumu. Nata na beto, ti beto lenda vwanda bantu ya Nge. Na nzila ya Yesu Klisto beto me lomba yawu. Amen.

228 Ya kele mbote ve na kuvwanda Muklisto? Ya kele mbote ve na kuzaba Nzambi mpe kuzaba Mvwandulu ya Yandi? Kubanza bubu yayi, ntangu yayi, wapi mutindu Yandi salaka yayi tii na mbala ya zole. Bubuy yayi Yandi—Yandi tubaka na mpangi-kento awa, kota, na Nsemo yina mutindu Yandi salaka, mpe tubaka na bawu samu bawu kwikilaka Nsangu. Yandi kele ya nkembo, Yandi kele ve? Beno zola Yandi ve? Bantu yikwa ke zolaka Yandi na ntima ya beno ya muvimba, na moyo ya beno ya muvimba? Yandi kele mbote. Ntangu yayi beto telama, na yina beto ke yimba nkunga yina ya mbote ya ntama beto nyonso mutindu.

Mu zola Yandi, mu zola Yandi
Samu Yandi zolaka munu ntete
Mpe futaka mpulusu ya munu
Na yinti ya Calvaire.

229 Oh, Yandi kele mbote ve? Mbote mingi! Ntangu yayi, beno bambuka moyo na lukutakanu ya Kilumbu ya tatu na nkokila. Mpe na yina, kana Mfumu kuzola, mu ke vwanda diaka awa na

Lumingu ke kwisa, kana Mfumu kuzola. Beno sambila samu na beto na kati ya sabala. Na yina beto ke kulumusa bayintu ya beto ntangu yayi na kisambu, mu ke lomba na Mpangi Neville, pasteur ya beto, kana yandi ke kwisa samu na bandinga ya nsuka yina yandi ke pesa beno. 🐦

61-1015E Luzitu
Branham Tabernacle
Jeffersonville, Indiana U.S.A.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kiasadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org